

حزب عدلیہ

نومبر ۱۰۱

۲۲ ربیع الاول ۱۳۳۲ ۵ شباط ۱۳۲۹

درہ نجی سنہ

چهارشنبه

قائمہ برقی

نوجوہات عدلیہ

فاتح صالح حاکمی معاونلکنہ درسعات بدایت محکمہ سی اعضا ملازملرندن احمد توفیق و سلطان احمد صالح حاکمی معاونلکنہ عہدہ سسندہ کی بکقوز صالح حاکمی امورینی اصلک و رودینہ دکن ایفا ایتک اوزره درسعات بدایت محکمہ سی اعضا ملازملرندن حقی ، امین اوکی صالح حاکمی معاونلکنہ مذکور صالح حاکمی برنجی کاتبی درسعات مکتب حقوقندن اعلی درجہ دہ مأذون محمد علی وصہاتہ صالح حاکمی معاونلکنہ بابااسکی قضاسی بدایت محکمہ سی مدعی عمومی محمد قدری و بک اوغلی صالح حاکمی معاونلکنہ اسکدار بدایت محکمہ سی اعضا ملازملرندن قدری و اسکدار صالح حاکمی معاونلکنہ بک اوغلی بدایت اعضا ملازملرندن رشدی و غلطہ صالح حاکمی معاونلکنہ یالوہ قضاسی بدایت محکمہ سی رئیس طرخان و آیدین ولایتی صالح حاکمی معاونلکنہ آیدین سنجانی بدایت محکمہ سی اعضاسندن مصطفی صدق و خداوندکار ولایتی صالح حاکمی معاونلکنہ لولہ برغوس قضاسی بدایت محکمہ سی حاکم معارونی صائب و سوریه ولایتی صالح حاکمی معاونلکنہ خیفہ قضاسی بدایت محکمہ سی رئیس حمدی و اسکدار بدایت محکمہ سی اعضا ملازملکنہ بک اوغلی بدایت محکمہ سی مدعی عمومی معاو لک نصرت و بک اوغلی بدایت محکمہ سی مدعی عمومی معاونلکنہ درسعات برنجی تجارت محکمہ سی برنجی صنف کتبہ سندن

در سعادت مکتب حقوقدن اعلی درجه ده مأذون محمد سعدی و در سعادت بدایت محکمه سی اعضا ملازمکنه کوتاهیه سنجانی استیناف محکمه سی مدعی عمومی معاونانکنندن آچقده قالان ندیم افتدی و بکمر نقل و تعیین اولمشدر .

بواراده سنیه نك اجراسنه عدلیه ناظری مأموردر . ۲۶ صفر ۳۲۲ ، ۱۱ کانون ثانی ۳۲۹

محمد رشاد

عدلیه ناظری
ابراهیم
صدراعظم
محمدسعید

آیدین ولایتی مرکز بدایت محکمه سی برنجی وایکنجی جزا دائره لرینک استینافاً تدقیق استدعا اولنان حکمرن کماکان ولایت مذکوره استیناف محکمه سی جزا دائره سنجیه استینافاً رؤیت ایدمک اوزره ولایت مذکوره یه تابع ایدین دکزلی صاروخان ایله منتشا سنجاقلری والا شهر ایوالق قضاسی بدایت محکمه لرینک دعاوی استینافیه سی ایچون ولایت مذکوره استیناف محکمه سی حقوق دائره سی مرجع استیناف اتخاذایدلمشدر . بواراده سنیه نك اجراسنه عدلیه نظارتی مأموردر . ۲۸ صفر ۳۲۲ ، ۱۳ کانون ثانی ۳۲۹

محمد رشاد

عدلیه ناظری
ابراهیم
صدر اعظم
محمد سعید

حلب ولایتی داخلنده مینج قضاسنک وسعتی و دعاویسنک کثرتی جهتیله حقوق و جزا و تجارت دعوالرینی رؤیت ایتمک و ولایت مشارالیه مرکز بدایت محکمه سینه مربوط اولمق اوزره محال قاضیلکننک تحت ریاستنده اوله رق قضاء مذکوره بر محکمه نظامیه تشکیل اولمشدر . بواراده سنیه نك اجراسنه عدلیه ناظری مأموردر . ۱ ربیع اول ۳۲۲ ، ۱۵ کانون ثانی ۳۲۹

محمد رشاد

عدلیه ناظری
ابراهیم
صدراعظم
محمدسعید

یافه قضاسی لوا بدایت محکمه سنک قضاء بدایت محکمه سی امورینی ایفا ایتسندن وشو حالده مذکور لوا

بدایت محکمه سی یرینه قضا محکمه سی اقامه سی ایجاب ایتسندن طولای مذکور لوا بدایت محکمه سنک لغویله قضاء مذکوره بر قضا محکمه سی تشکیل ایدلمشدر .

بواراده سنیه نك اجراسنه عدلیه ناظری مأموردر . ۱ ربیع الاول ۳۲۲ ، ۵ کانون ثانی ۳۲۹

محمد رشاد

عدلیه ناظری
ابراهیم
صدراعظم
محمدسعید

بشکطاش صلح حاکمی معاونانکننه مذکور صلح حاکمی برنجی کاتبی اولوب مکتب حقوقدن اعلی درجه ده مأذون والویه بدایت محاکمی مدعی عمومی معاونانکمرنده خدمتی مسبوق بولنان مصطفی نائی افتدی تعیین اولمشدر .

بواراده سنیه نك اجراسنه عدلیه ناظری مأموردر . ۴ ربیع الاول ۳۲۲ ، ۱۸ کانون ثانی ۳۲۹

محمد رشاد

عدلیه ناظری
ابراهیم
صدراعظم
محمدسعید

تکفورطغانی سنجانی استیناف محکمه سی مدعی عمومیلکننه بیروت ولایتی استیناف محکمه سی مدعی عمومی سابق مصطفی شکری وارضروم ولایتی مرکز بدایت محکمه سی مدعی عمومیلکننه یانیه مرکز بدایت محکمه سی مدعی عمومیلکنندن آچقده قالان عزت و طربزون ولایتی مرکز بدایت محکمه سی مدعی عمومیلکننه قوصوه مرکز بدایت محکمه سی مدعی عمومیلکنندن آچقده قالان نق الدین و ملاطیه سنجانی بدایت محکمه سی جزا دائره سی ریاسته سیواس ولایتی استیناف محکمه سی اعضاسندن مسعود و سیواس ولایتی استیناف محکمه سی اعضالغنه آتله ولایتی استیناف محکمه سی اعضای سابقه سندن علی رضا و قیرشهری سنجانی بدایت محکمه سی مدعی عمومیلکننه چورلی قضاسی بدایت محکمه سی حاکم معاونانکنندن مستغنی و لوا بدایت محکمه سی مدعی عمومیلکننده خدمتی مسبوق حسین حسنی و بابا اسکی قضاسی بدایت محکمه سی مدعی عمومیلکننه دیمتوقه قضاسی بدایت محکمه سی حاکم معاونی حسن خلقي و آقشهر قضاسی بدایت محکمه سی ریاسته باش مدعی عمومیلک قلمی دردنجی صنف کتبه سندن در سعادت مکتب حقوقدن علی الاعلا درجه ده مأذون احمد نوری و قوچحصار قضاسی بدایت محکمه سی مدعی عمومیلکننه اینه کول قضاسی بدایت محکمه سی مدعی عمومی سابق مصطفی عاصم و حضمنصور قضاسی بدایت محکمه سی مدعی عمومیلکننه محکمه تمیز حقوق دائره سی

موظف ملازم لرندن در سعادت مكتب حقوقدن اعلا در جهده مأذون على كمال الدين وآيدن ولايتى استيناف محكمه سى اعضا ملازم لكه در سعادت مكتب حقوقدن على الاعلا در جهده مأذون هاشم و قدس شريف سنجاغى بدایت محكمه سى ايكنجى مستنطق لكه عكا سنجاغى بدایت محكمه سى مستنطق سابقى عبداللطيف و جزره قضاسى بدایت محكمه سى مستنطق لكه در سعادت مكتب حقوقدن مأذون سليمان و تيره بولى قضاسى بدایت محكمه سى مستنطق لكه در سعادت مكتب حقوقدن اعلا در جهده مأذون اسماعيل جميل افنديلر نقل و تعيين اولمش و آيدن ولايتى مركز تجارت محكمه سى اعضا سندن مصطفى افندى ايله قره حصار صاحب سنجاغى بدایت محكمه سى اعضا سندن محمد حليمى افدينك بجایش مأموريتلى اجرا قلنمش وليجه قضاسى رياستى وظائفى ده محلى قاضيلغى عهده سنده احاله ايدلمشدر .

بواراده سنه نك اجراسنه عدليه ناظرى مأموردر .

٤ ربيع الاول سنه ١٣٢٢ و ١٨ كانون ثانى سنه ١٣٢٩

محمد رشاد

صدر اعظم

عدليه ناظرى

محمد سعيد

ابراهيم

محكمه تميز مقرراتى

محكمه تميز مقرون دأره مقرراتى

محكمه تميز مقرون دأره سنده صادر اولاره ٢٠ نشریه تالى سنه ١٣٢٩ تاريخى ٢٠٢٤ نومردلى اعلام صورتيه:

« استملاك قانونك اون يدنجى ماده سى دأره بلديه ايله ملك صاحبي آره سنده جريان ايدى لك مناسباتى ناطق اولوب يوقسه ملك صاحبنك تقدير اولنان قيمتى قبول ايتامك صورتيله كندوسنه بخش ايدلان حق و صلاحيتنى مرور زمان حدينه بالغ اولنجيه قدر استعمال ايتكه مانع دكلدر »

حلبده واقع اوقاف ملحقه دن ابوبكر الوفاى تكيه سنده مربوط شيخ احمد القادري وقفك متولى سى شيخ عبدالغنى افندى ايله بغداد شمندوفر خطى شركت انشائيه سى اوچنجى شعبه مديرى سر مهندس موسيو فولز بيننده متحدث دعوايه دأره حلب بدایت محكمه سندن ١٨ تموز سنه ١٣٢٩ تاريخى و اوچوز التمش اوچ عددى ايله ويريلوب مومى ايله شيخ عبدالغنى افندى طرفندن تميزاً تدقيقى استدعا قلنان اعلام باش مدعى عمومى لك مأموريت عليه سنك مطالعه نامه سى النقدنصكره طرفينك اعتراض و جواب لايحه ليله بالمطالعه تدقيقات تميزيه اجراسنه ابتدار قلندى .

اعلام مذكور مدرجاتنه نظراً مومى ايله شيخ عبدالغنى افندى محكمه مذكورده باعرض حال مراجعتله با برات عاليشان متولى سى بولندينى وقف مذكورده عأد حلبك ميدان السلطان نام محله كائن حوش البدويه مزراع سى دينمكه معروف و مشهور اراضى در دست انشابولنان بغداد شمندوفر خطك اوچنجى قسم داخلنده اولوب خط مذكور ايله نفس حلب استاسيوننه و اعمالا تخانه سنه كوريلان لزوم اوزرينه يوز التمش بيك كسور مترو مربعنك استملاكى مذكور قومپانيه جانبندن قيام اوله رق قانون مخصوصك يدنجى ماده سى موجبجه جانب بلديه دن تعيين ايديلان تخملى طرفندن بهر مترو مربعنه صاغ اچقه درت غروش اونپاره قيمت تقدير اولنمش ايسنده موقعك شرف و اعتبارينه و شهره قريبنه نظراً تقدير قيمت مذكور دون اولديغندن طولاني مدت قانونيه سى طرفنده دأره بلديه و قوعبولان مراجعتى ثمره سز قلدينى كى مذكور قومپانيه بدل مقدره دن دخی و يرمكسزين مباحوث عنه اراضى نى غضب و اوزرينه دمير فرش و انشآت عملياته مباشرت ايتمش اولسنه و حالبوكه اراضى مذكورده استاسيوننه و شهره قريب اولمق حسبيله محله تشكيلى ممكن و هر بر زراعى بر ليرايه قدر طالب بولنسنه و بو كى محملرك زراعى ايله صائلى عرف و عادت ايكن مترو خساييله تقدير ايدلمسى مغاير قانون و حقوق وقفك مضرتى مستلزم بولنديغندن بحثله اراضى مذكورده نك قانون مخصوص موجبجه اصولى دأره سنده بر حكم انجمنى بالتشكيل قيمتك حدلايقنه ابلاغيله وقف مذكور حقوقك محافظه سى خصوصك تحت حكمه النمسى طلب و دعوى و بر قطعه برات عاليشان ابراز و اعطا ايتمسى و محلى اوقاف اداره سى و كيلي منصور بكدى متولى مومى الهك دعواى واقعه سنى تصديق و تأييد ايتسنه قارشو مدعى عليه شعبه مذكورده و كينى دخی دعواى واقعه استملاك قرارنامه سنك يكرمنجى ماده سنده كوسترلديكى اوزره بر ملكك دون و يا زياده تقدير قيمت اولنديغنه دأره اوليوب مدعا به درت قطعه ترلانك قيمتى تقدير اوله رق غزته لرده اعلان ايدلدكن سكرز كون صكره عليه اعتراض اولنمش و انك اوزرينه استملاكه قرار و يريله رك بلديه جانبندن اسباب موجب مضطه سى بالتنظيم مجلس اداره و ولايته كوندريلوب تصديق اولندينى حالده ينه عليه اعتراض ايدلماسى و حتى دون و زياده تقدير اولنديغنه دأره محكمه به مراجعت ايجون قانوناً معين اولان اون بش كون طرفنده مراجعت اولنميه رق محكمه شرعيه به بالمراجعه مدعا به درت قطعه تارلالره تقدير اولنان قيمت موجبجه استملاكه قرار و يرلديكى و قومپانيه طرفندن اوزرلرينه وضع يد ايديله رك ائيه و اعمالا تخانه انشا اولنمقده بولندينى اقرار و مجموع دونمرك بالغ اولدينى اوچيوز الى اوچ بيك يديوز قرق بر غروشك جانب وقفه اعطاسيچون متولى مومى ايله طرفندن حضور حاكم شرعه اقامه دعوى و بينه سى اصولى دأره سنده استماع ايتديرلمش و بناء عليه استملاك ايدلمش بتمش بر دعوى بولندينى جهته اسباب مذكورده قارشو ماراليان يكرمى برنجى ماده به قياس دعوى ايدلمسى قانوناً هم مرور زمان نقطه سندن و همده رضا و قبول و اسقاط حق و اعتراض دعوى ايله برابر محكمه شرعيه ده اقامه دعوى و اقرار اولندينى بالبيان دعوانك ردينى طلب و تذكار ايتمسى اوزرينه مدعى عمومى حضوريله

جریان ایدن محاکمه و تدقیقات نتیجه سنده مدعا به ترلارک بهر متروسی درت غروش اون پاره اولدینه
دائر اولان اسباب موجب مضطه می قانوناً تکمل اتمه رک حکم سر قالدینی ایکنجی دفعه اوله رق مذکور
درت قطعه ترلاردن قرق بش نومروده بر دوئم بش اولک ترلانک بهر دوئم بیک ایکیوز و قرق ایکی
نومرولی بر دوئم ایکی اولک ترلانک بهر دوئم بیک ایکیوز و قرق نومرولی یوزیتش بر دوئم اوچ اولک
اولان ترلانک بهر دوئم ایکیک و اوتوز سکیز نومروده اوچ دوئم الی اولکدن عبارت اولان ترلانک
بهر دوئم بیک بشیوز غروش قیمت تقدیر ایدلینک دائر اولان ایکنجی تخمین معامله سی اصوله موافق
و تعریفات قانونیه به مطابق اوله رق اجرا ایدلش و اولاباده کی اسباب موجب مضطه سی تصدیق ایدیلرک
معامله استملاک قانوناً کسب قطیت ایش اولدینی کی احد طرفیندن دخی اون بش کون ظرفنده محکمه به
مراجعت و قوعبولامش اولدینی جهته حکم انجمنی تشکیل یکیدن تقدیر فیات جهته دائر مدعینک طای
قانوناً مرود بولنش و مومی الیه ایکنجی تخمین متضمن اولان اسباب موجب مضطه سنده تقدیر ایدلش
اولان فیاتلر اوزرندن مبلغ تحصیلی ایچون محکمه شرعیه به مراجعت ایدلکی دخی جلب ایلرک تدقیق اولنان
ضبط ورقه می مندرجاتندن مستبان اولسنه و حضور حاکمه فیات مجموعنک طلب ایدلسی تخمین اخیرک
قبول ایدلش اولدینندن بو صورته ده دعوی حاضرده بولنسی قانوناً غیر جائز ایدو کندن ایکنجی تخمین
موجبجه مدعینک استیفاسی حقنده مخیر اولق اوزره دعوی واقع سنک ردینه حکم و قرار ویرلدیکی کلاشلمشدر
مستدعی تمیزک اعطا ایدلکی لایحه اعتراضیه ده استملاک املاک قانوننک اون یدنجی ماده سنک اون
بش کون ظرفنده اصحاب املاک تکلیف اولنان مبالغی قبوللرینی و یا خود ادا لرینی بیان ایتکه مجبور اولدقرینه
دائر فقره سی محکمه به مراجعتی متضمن اولوب معطوف علمی بلدی دأره سنه عائد بولندینی حاکمه
مذکورده ماده مذکوریه یا کلش معنا ویریلرک رد دعویه قرار ویرلسی یولسر و مغایر قانون اولدینندن
بجمله اعلام مذکورک نقضی و جواب لایحه سنده ده غیر وارد اولان اعتراضاتک ردیه موافق اصول و قانون
اولان اعلامک تصدیق طلب و استدعا اولنش و مطالعه نامه مذکور مندرجاتی دخی مدعا به ترلارک ایکنجی
دفعه تقدیر اولنان قیمتلرینی قبول ایتامش و استملاک قانوننک اون درت ویکرمی برنجی ماده لرنده محرر
مدتک محکمه به مراجعت ایچون تعیین قلمش بر مدت قانونی اولدینی جهته دعوی واقعنک اصولی
دأره سنده تدقیق و رؤیتی متضمن بولنش اولدینی حاکمه رد استدعا به قرار ویرلسی مخالف قانون اولدینه
دائر تمیزاً سرد و بیان اولنان اعتراضات بجا بولندینی بیانندن عبارت بولمشدر
اول امرده معاملات استملاک دعوی سائرده مقیس طوکیه رق استینافدن استننا ایدلش و بناء علیه
بو کی مقررات متفرعه نک استینافه مساع کوسترلرکی تقدیرده استملاک خصوصنده کی سرعتک اخلاقی
مؤدی اوله جنی درکار بولنش اولدینی جهته بو کی مقرراتک قابل استیناف اولدینه اکثریتله قرار ویرلد کدنصکره
اساس ماده نک ایجابی مذاکره اولدقدده استملاک قانوننک اون یدنجی ماده سی دأره بلدی ایلرک صاحب

اره سنده جریان ایده جک مناسباتی ناطق اولوب یوقسه ملک صاحبنک تقدیر اولنان قیمتی قبول ایتامک
صورتیله قانون مذکورک اون اوچنجی ماده سنده کندوسنه بخش ایدیلان حق و صلاحیتی مرور زمان
حدینه بالغ اولنجیه قدر استعمال ایتکه مقتدر اولدینی بدیهی و بو کی اون بش کون ظرفنده سقوط
دعوی خلاف قانون بولندینی حاکمه مذکور ماده دن قصد ایدلیان بر معانک استخراجیه بوجه
مشروح حکم اعطا اولنسی مغایر قانون اولدینه بناء اصول حاکمه حقوقیه قانوننک ایکیوز اوتوز ایکنجی
و ایکیوز قرق برنجی ماده لری احکامنه توفیقاً اعلام مذکورک نقضیه قانون مزبورک ایکیوز قرق دردنجی
ماده سی موجبجه کیفیتک بالرؤیه اعلامه ربطی ضمننده محکمه مذکوریه اعاده سنه واشبو دعوان طولانی
اختیار ایدیلان مصارفک زرده مفردات و معطیسی کوسترلش اولمغه بولرکده ایلروده حقسز حقیقه حق
طرفه عائد اولسنه ۲۰ تشرین ثانی سنه ۳۲۹ تاریخده اکثریتله قرار ویرلدی .

محکمہ نمبر حقوق دأره سنه صادر اولده ۹ نوبه اول سنه ۳۲۹ تاریخ ۲۰۵۶ نومرولی اعلام صورتیله:

« ساخته لك ادعا نك حقوق عمومیه به تعلقی جهتیله مدعی عمومی حضورنده تدقیق

ایدلسی ایجاب ایدر »

اسکندرونده مقیم عبدالرحمن خطاب ایلرک درتیول قضاسنک اوچاقلی قریه سنده ساکن اسکله رسومی
ملتزمی اسکندر سلیمان افندی بیننده متکون دعویه دائر قضاء مذکور بدایت محکمه سندن ۱۸ کانون ثانی
سنه ۳۲۸ تاریخی و قرق ایکی عدلیه ویریلوب مرقوم عبدالرحمن طرفندن تمیزی استدعا قلنان اعلام باش
مدعی عمومیلک مأموریت علیه سنک مطالعه نامه سی الذقدن صکره طرفینک اعتراض و جواب لایحه لرلیله
بالمطالعه تدقیقات تمیزیه اجرا سنه ابتدار قلندی .

اعلام مذکور مندرجاتنه نظراً مومی الیه اسکندر سلیمان افندی محکمه مذکوریه باعرفحال مراجعتله
اوچوز ویکرمی یدی و سکیز سنه لرنده التزام ایدلکی جین قوله اسکله سی و توابی حطب و سائر رسومندن
مرقوم عبدالرحمن ذمتنده الاجتی اولان درت بیک ایکی یوزیتش مع اجرای موقت تحصیلی طلب و دعوی
و برقطعه ضبطنامه ایلرک زری اورمان اداره سندن درکنارینی محوی برقطعه استدعا ابراز و اعطا ایلسی اوزرینه
غیاباً اجرا قلنان محاکمه و تدقیقات نتیجه سنده خصوص مدعا معاملات رسمیه ایلرک ثابت اولسنه مبنی مدعی
علیهک تنزیل سجر ایدلکی ضبطنامه ده کوسترلان حطب و سائر نک رسوم قانونیه سی اولان مبلغ مدعا لیه
مدعیدن کفیل آلتیق شرطیه مع اجرای موقت مدعی علیه دن بالتحمیل مدعی به اعطاسنه دائر ویریلان
اعلام غیابینک عندالاعتراض قید رسمینک ساحتلکی و رسوم مذکورنک جانب بلدی دن خلاف قانون
فروخت ایدلکی یولنده معترض طرفندن سردایدیلن اعتراضاتک ردیه اعلام غیابینک تصدیقه حکم و قرار
ویرلدیکی کلاشلمشدر

مستدعی تمیز طرفندن ویریلان لایحه ده امر محاکمه کونک اصول محاکمه دائره سنده اجرا قلمنامسی ساخته کارلق حقنده در میان ایلدیکی حقوق عمومیه جهتنک پیش تأمله التماسی یولسز و مغایر قانون اولدیغندن بختله اعلامک تقضی و لایحه جوابیه ده دخی موافق قانون اولان اعلام مذکورک تصدیقی طلب واستدعا قلمنش و سالف الذکر مطالعه نامه مفادی دخی لایحه اعتراضیه ده سرد اولنان اعتراضاتک وارد ایدوکی بیانندن عبارت بولمیشدر .

ایجابی مذاکره اولندقدده خصوص مدعی بوجه محرر حکم و قراره ربط اولنش ایسه ده میز طرفندن عندالحا که در میان اولنان ساخته لک ادعاسنک حقوق عمومیه به تعلقی جهتیله تشکیلات محاکم قانوننک التمس بشنجی ماده سنه توفیقاً مدعی عمومی حضورنده تدقیق ایدلک ایجاب ایدر ایکن بوجهته تأمل ایدلکسزین بروحه مشروح قرار ویرلسی یولسز و مغایر قانون اولدیغندن اصول محاکمه حقوقیه قانوننک ایکی یوزاوتوز ایکنجی ماده سی موجبجه اعلام مذکورک نقضیه قانون مذکورک ایکی یوز قرق درنجی ماده سنک فقره اولاسی حکمنه توفیقاً کیفیتک صورت محرره دائره سنده بالرؤیه اعلامه ربطی ضمننده محکمه مذکوریه اعاده سنه وزیرده کی مصارف تمیزیته نک ایلروده حقسز چیه جق طرفه عائد اولسنه ۹ کانون اول سنه ۳۲۹ تاریخنده اکثریتله قرار ویرلدی .

محکمه تمیز حقوق دائره سنده صادر اولان ۱۰ کانون اول سنه ۳۲۹ تاریخ ر ۱۷۵۸ نومرولی اعلام صورته بر:

« متولسی موجود اولان اوقافک تعمیراتی کبی تصرفاتنه اوقاف مأمورلرینک

امرلری کآن ایکن بولندیغنه دائر »

انقرده ده مقیمان خاتونیه وقفی متولسی عاصم افندی زاده حاجی عزت آغا و اوقاف اداره سی باشکابی توفیق افندی ایله انقردنک مقدم محله سنده ساکن موسی اوغلی حاجی ولی آغا بیننده متکون دعوایه دائر انقره مرکز بدایت محکمه سندن ۲۵ کانون اول سنه ۳۲۸ تاریخ و آلتیوز طقسان سکز عددی ایله ویریلوب مرقومان حاجی عزت آغا و توفیق افندی طرفندن تمیزاً تدقیقی استدعا قلنان اعلام باش مدعی عمومیاک مأموریت علیه سنک مطالعه نامه سی آلدقدن صکره یالکیز مستدعیلرک اعتراض لایحه سیله بالمطالعه تدقیقات تمیزیته اجرا سنه ابتدا قلندی .

اعلام مذکور مندرجاتنه کوره مزبور حاجی ولی آغا انقره بدایت محکمه سنه باعمر فحال مراجعتله اوکان چشمه سی وقفندن اوله رق اوقاف اداره سندن استیجار ایلدیکی بر باب دکانک بدل ایجاری اولان بیک درت یوز اون غروشدن بیک غروشی اوقاف اداره سی باشکابی توفیق افندی ایله صندوق امینی عبدالله افندی طرفندن اخذ و متباقی درت یوز اون غروشی دخی موسی الیه مانک امرلریله مذکور دکانک تعمیراتنه

صرف ایلدیکی حالده مبلغ مذکور درت یوز اون غروش وقف مذکور متولسی حاجی عزت آغا طرفندن تکرار اخذ و تحصیل ایدلمش اولدیغندن اوقاف مدیری ایله حاجی عزت آغا و موسی الیه ما توفیق و عبدالله افندیلرک جلیله مبلغ مذکورک تحصیلی حقنده اقامه ایلدیکی دعوانک مدعی عمومی حضوریه غیباً اجرا قلنان محاکمه و تدقیقاتی نتیجه سنده مدعی اولباده کی امری اصولاً اثباتدن اظهار عجز ایله عندالاعتراض یمنندن نکوللرینه تعلیقاً مبلغ مذکورک تحصیلی طلب ایتمسه مبنی بر موجب طلب مبلغ مذکور درت یوزاون غروشک تحصیلی متضمن ویریلان اعلام علیه موسی الیه ما حاجی عزت آغا و توفیق افندیلر طرفلرندن اعطا قلنان اعتراض علی الحکم عرضحالی اوزرینه و جاهاً اجرا قلنان محاکمه و تدقیقات نتیجه سنده مدعی علیه مانک مدعا بهدن مدعی ایله یوز اون غروشه صلح اولدقاری حقنده در میان ایلدکری دفعلرینی اصولاً اثباتدن اظهار عجز ایله تکلیف ایلدکری یمنی مدعینک بالقبول اجرا ایلمسه مبنی دفع واقعلرینک ردیه اعلام غیبی حکمک تصدیقه حکم و قرار ویرلدیکی آکلا شلمشدر .

مستدعیلر طرفندن ویریلان لایحه ده : عندالحا که مدعا بهی یوز اون غروشه صلح اولدقاری حقنده در میان ایلدکری دفعلری صحیح اولدینی جهته دعوا ی مذکورنک استماعی لازم کلیه جکی درکار ایکن بونک نظر دقه التماسی یولسز و مغایر قانون اولدیغندن اعتراضات سائرده دن بختله اعلام مذکورک نقضی طلب و استدعا اولنش و آنف البیان مطالعه نامه مالی ایسه اولباده کی لایحه تمیزیته در میان اولنان اعتراضاتک وارد کورلدیکی بیانندن عبارت بولمیشدر .

ایجابی لدی المذاکره خصوص مدعا هر نه قدر بر منوال محرر حکم و قراره ربط اولنش ایسه ده وقفک متولی مخصوصی بولندیی صورت محاکمه دن منظم اولمش اولدیغنه و بومثللو متولسی موجود اولان اوقافک تعمیراتی کبی تصرفاتنه اوقاف مأمورلرینک امرلری کآن لم یکن بولندیغنه و بروجه مشروح اعطای امره مقتدر اولمیان طرفک امریله واقع اولان صرفیاته مراجعت ممکن بولندیغنه نظراً حکم واقع یولسز و مغایر قانون اولدیغندن اصول محاکمه حقوقیه قانوننک ایکیوز قرق برنجی ماده سی موجبجه اعلام مذکورک نقضیه قانون مذکورک ایکیوز قرق بشنجی ماده سی حکمنه توفیقاً کیفیتک اصلاحاً و تعمیماً بالرؤیه اعلامه ربطی ضمننده محکمه مذکوریه اعاده سنه و مدعا بهه نظراً مصارف محاکمه نک تأجیل اولنان قسمیه استیقا قلنان قسمنک زیرده مفردات و معطیس کوسترلش اولمغه بونلرکده ایلروده حقسز چیه جق طرفه عائد اولسنه ۱۰ کانون اول سنه ۳۲۹ تاریخنده متفقاً قرار ویرلدی .

محکمه تمیز حقوق دائره سنده صادر اولان ۲۴ کانون اول سنه ۳۲۹ تاریخ ر ۲۳۸۶ نومرولی اعلام صورته بر:

« شهادتده لفظ شهادتی تلفظ ایتک شرطدر »

بتلیس ولایتیه تابع خرو قصبه سنده مقیم قاسم بن حسن ایله دیاربکرک خسرو پاشا محله سنده ساکن

قاطرجی حاجی علی بن احمد بیننده متحدث دعوايه دائر دیاربکر بدایت محکمه سندن ۳۰ حزیران سنه ۳۲۹ تاریخی و طقسان درت عددی ایل و یریلوب مزبور قاسم طرفندن تمیزاً تدقیقی استدعا قلنان اعلام باش مدعی عمومیک مأموریت علیه سنک مطالعه نامه سی الندقدنصرکه طرفینک اعتراض و جواب لایحه لریله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مزبور حاجی علی محکمه مذکوره به باعرضحال مراجعتله مزبور قاسم نزدنده بولان و ایکبیک غروش قیمته اولان بر رأس استرینک کندوسنه تسلیمه دائر محکمه شرعیه دن صادر اولان اعلام حکمی کسب قطعیت ایدرک موقع اجرایه وضع اولندیغی حالده مرقوم قاسم مذکور استری تسلیمدن امتناع ایتمکده اولدیغندن بخله قیمتی اولان ایکبیک غروشک مرقوم قاسمدن تحصیلنی طلب و دعوی ایتسنه قارشو مدعی علیه دخی اساس دعوی محکمه شرعیه ده رؤیت ایدلسنه نظراً فرعی اولان تضمین بدل دعواسنک دخی رؤیتی محکمه شرعیه به عائد اولدیغندن دعوی واقعه نیک محکمه جه رؤیتی صلاحیت و وظیفه خارجنده بولدیغندن ردینی مدافعه بیان و تذکار ایتسی اوزرینه مدعی عمومی حضوریه رؤیت دعوی محکمه نیک وظیفه سی داخلنده اولدیغی قرارگیر اولدقدنصرکه جریان ایدن محاکمه و تدقیقات نتیجه سنده مدعی علیه مرقوم قاسمک نزدنده بولان سیاه رنگلی و قانجق و اغزی قرمزیه مائل مدعا به بر رأس استرک مدعی مزبور حاجی علینک مالی اولدیغی و ایکبیک غروش قیمت و دکرنده بولدیغی اقامه و استماع اولنان شاهدلرک شهادت لریله ثابت اولسنه بناء مجله نیک سکر یوز اون سکر نجی و سکر یوز طقسان برنجی ماده لری احکامنه توفیقاً مدعا به استرک بدلی اولان ایکبیک غروشک مدعی علیه قاسمدن بالتحصیل مدعی حاجی علی به اعطاسنه حکم و قرار ویرلدیکی اکلالمشدر .

مستدعی تمیزک اعطا ایلدیکی لایحه اعتراضیه ده اساس دعوی محکمه شرعیه جه تحت حکمه النسنه نظراً فرعی اولان تضمین بدل دعواسنک محکمه شرعیه به عائد و محکمه مذکوره نیک وظیفه و صلاحیتدن خارج ایدوکنندن رؤیتی عندالحاکمه طلب ایلدیکی حالده نظر التفاته النامسی یولسز و مغایر قانون اولدیغندن بخله اعلام مذکورک تقضی و جواب لایحه سنده ده غیر وارد اولان اعتراضک ردیه موافق اصول و قانون اولان اعلامک تصدیقی طاب و استدعا اولنش و مطالعه نامه مذکور مندرجاتی دخی دعوی حاضره محکمه شرعیه جه رؤیت اولنان خصوصک فرعی اولادیغی و محکمه نظامیه نیک وظیفه سی داخلنده بولدیغی جهتله صلاحیت حقنده لایحه تمیزیه ده درمیان اولنان اعتراضاتک وارد و بجا کوریله مدیکی بیاندن عبارت بولمشدر .

ایجابی مذاکره اولدقدن هر نه قدر محکمه جه کیفیت بروجه محرر تحت حکمه النش ایه ده مدعا به قاطره مدعی علیه وضع ید ایلدیکی تاریخده کی قیمتی دعوی و اولوجهله تاریخ مذکوره کی قیمتی اوزره شاهد استماع ایدلک لازم کلور ایکن بو جهتدن ذهول اولدیغی کبی استماع اولنان شاهدان مرقوماندن سید محمد لفظ شهادتی اصلاً تلفظ ایتدیکی و یکریمی لیرا قیمته ایدوکنی بیان ایلدیکی حاده دیگر شاهد جانباز حسین

مذکور قاطری کندوسی مدعی به بیک طقوز یوز الی غروشه فروخت ایلدیکنه شهادت ایللریله شهادت مذکوره نیک هم دعوايه وهم یکدیگرینه موافق اولدیغی جهتله ردی اقتضا ایدرایکن قبولیه بروجه مشروح حکم ایدلسی مخالف قانون اولمغه برابر مدعا به نظراً دعوی مذکوره نیک صلح قانونه توفیقاً فصل ورؤیت ایدلسی مقتضی بولدیغی حالده بوجهتک دخی تأمل ایدلما سی مغایر قانون اولدیغنه بناء اصول محاکمه حقوقیه قانوننک ایکوز قرق برنجی ماده سی موجبجه اعلام مذکورک تقضیه قانون مزبورک ایکوز قرق دردنچی ماده سی حکمونه توفیقاً کیفیتک صلح قانونه توفیقاً رؤیتی ضمننده محکمه مذکوره به اعاده سنه واشبو دعوان طولانی اختیار ایدیلان مصارفک زرده مفردات و معطیسی کوسترلمش اولمغه بولرکده ایلروده حقسز چیه جق طرفه عائد اولسنه ۲۴ کانون اول سنه ۳۲۹ تاریخده متفقاً قرار ویرلدی .

محکم تمیز حقوق دائره سندن صادر اولد ۲۶ کانون اول سنه ۳۲۹ تاریخ ۲۴۱۲ نومردی اعلام صورتیدر :

« مدعینک محکمه به عدم ورودیه حق محاکمه دن موقه سقوطنه قرار ویرلدیکی حالده

اعتراض علی الحکم ایچون مجدداً استدعا تقدیمه خصصی یکیدن دعوت ایتسی ایجاب ایدر »

اقشهر قضاسنک اوکس قریه سنده مقیمون اتش احمد اوغلی حسین و علی ایلهمشیرلری شفیقه خاتون بیننده متحدث دعوايه دائر اقشهر بدایت محکمه سندن ۳۱ اغستوس سنه ۳۲۹ تاریخی و یوز درت عددیه و یریلوب مرقوماندن یالکز حسین طرفندن تمیزاً تدقیقی استدعا قلنان اعلام طرفینک اعتراض و جواب لایحه لریله بالمطالعه تدقیقات تمیزیه اجراسنه ابتدار قلندی

اعلام مذکور مندرجاتنه نظراً مزبوره شفیقه نیک محکمه مذکوره به باعرضحال مراجعتله متوفی پدرلری ایش احمدک وفاقی اوزرینه کندوسیه اوچ نفر برادرلرینه انتقال ایدن قریه مذکوره نیک مواقع مختلفه سنده کائن معلوم الحدود یدی قطعه ترلا و برقطعه باغچه و ایکی قطعه باغ و بر باب خانه به برادرلری مرقومان حسین و علی مداخله ایدرک حصه سی ویرمکدن امتناع ایلکده اولدیغندن بخله منع مداخله لری و حصه لری نیک تفریق و تقسیم حقنده اقامه ایلدیکی دعوانک حسینک و جاهدنه و علینک غیابنده بر درجه به قدر محاکمه سی اجرا اولنه رق تعلیق اولنان کونده مدعی مزبوره نیک ورود ایتامسی حسیله حق محاکمه نیک موقه سقوطنه قرار ویرلدکدن صکره اخیراً طرفینه تبلیغ ایتدیریلان دعوتیه ورقه لری اوزرینه طرفین بالورود بر سابق جریان ایدن محاکمه و تدقیقات نتیجه سنده اولبایده تعیین اولنان مأمورلر طرفندن معطی راپورده کوسترلدیکی وجهله کشیده قلنان قرعه شرعیه موجبجه اراضی مذکوره دن مدعی نیک حصه سنه جمعیکرمی طقوز بیک اوچیوز التمش بر آرشون اوچییک غروش قیمتلی حصه شایعه سنک بالتفریق مدعی به تسلیمه و اولوجهله طابو سنداتنک املاسنه و مدعی علیه مانک وقوعه بولان مداخله سنک منعه قرار ویرلدیکی اکلالمشدر .

اشبوق قرار عليهنده مخبر طرفدن اعطا اولنان لايحه ده محكمه جه ذي الیدلكك بالینه اثباته قرار ویرلماش اولدینی حالده مدعیه نك رأساً حصر ایلدیکی شاهدلرك استماعیله ذي الیدلكك قرار ویرلمسی یولسز و مغایر قانون اولدیغندن و اسباب سائرندن بخله اعلامك نفضی و جواب لایحه سنده ده اعتراضات مسروده نك غیر وارد اولدینی بیانیله ردی و موافق قانون اولان اعلام مذکورك تصدیقی طلب واستدعا اولمشدر .

ایجابی مذاکره اولندقدہ : خصوص مدعا هر تقدیر بوجه مشروح بالرؤیه اعلامه ربط اولمش ایسه ده مدعیه یوم معینده محکمه یه کلدیکندن ناشی دیگر طرفك طلبیله حق محاکمه دن موقتاً سقوطنه قرار ویرلمش و بومعامله عرفحالک ابطالندن عبارت بولمش اولدیغنه کوره اصول محاکمه نك طرفینه نظراً مدعیه بوقراره اعتراض علی الحکم صورتیله اعتراض ایدرك دعواسنی تعقیب و یاخود مجدداً استدعا تقدیمیله خصمنی یکیدن دعوت ایتسی ایجاب ایدر ایکن محکمه جه بوجه نظر اعتباره التمه رق و اتخاذ اولنان سقوط قرارینه دخی اهمیت ویرلیه رك بلا استدعا دعوانك رؤیتیه برمنوال محرر قرار ویرلمسی یولسز و مغایر قانون اولدیغندن اصول مذکورك ایکوز قرق برنجی ماده سی موجبجه اعلام مذکورك تقضیله ایکوز قرق دردنچی ماده سی فقره ثانیه سی حکمنه توفیقاً کیفیتك بوجه مشروح بالرؤیه اعلامه ربطی ضمننده محکمه مذکوریه اعاده سنه و مصارف تمیزیته نك ایلروده حقسز حقیقه جق طرفه عائد اولسنه ۲۶ کانون ثانی سنه ۳۲۹ تاریخنده متفقاً قرار ویرلادی .

محکمہ تمیز حقوق دائرہ سدرہ صادر اولار ۳۰ کانون اول سنه ۳۲۹ تاریخنی ۲۰۸۳ نومردی اعلام صورتیتر :

« اموال غیر منقوله نك جری حقوق محکمه سنه عائددر »

اورفه نك قره بورج محله سنده مقیم محمد بن حاجی حسین ایله جامع کیر محله سنده ساکن حاجی عبدالرحمن اغا میاننده متکون دعوا یه دأراورفه بدایت محکمه سندن تجارت صفی و ۵ مارت سنه ۳۲۹ تاریخنی و او توز برعددیله ریرلوب مرقوم محمد طرفندن تمیزاً تدقیق استدعا قلناس اعلام باش مدعی عمومیلک مأموریت علیه سنك مطالعه نامه سی آلدقدن صکره طرفینك اعتراض و جواب لایحه لر یله برابر بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مرقوم حاجی عبدالرحمن اغا با عرفحال محکمه مذکوریه مراجعتله مزبور محمد آغا ذمتنده برقطعه قامیال موجبجه غیرار استیفا الاجنی اولان الی ایکی عدد عثمانی آلتونیه اون سکز غروشك تحصیلنی و تأمین استیفا سی ضمننده مدیون مرقومك املاک معلومه سنه وضع ایتدیردیکی حجزك تصدیقنی طلب و مدعوی و مذکور قامیالی ابراز واعطا و مدعی علیه دخی دعوا ی واقعه نك رؤتی محکمه حقوقه عائد و محکمه تجارتك وظیفه سندن خارج ایدوکنی افاده و انبا ایللری اوزرینه محکمه جه

مدعی عمومی حضور یله وظیفه مسئلہ نك بالتدقیق ردی و مبرز سند حقنده تطبیقات ضمننده کیفیتك اهل وقوفه حواله سی قرار کیر اولدقدن صکره محاکمه نك تعلیق اولدینی کون مدعی علیه ک وقوعولان دعوتیه اجابت ایتامسنه مبنی غیاباً جریان ایدن محاکمه و تدقیقات نتیجه سنده مدعی نك مدعی علیه ذمتنده مبلغ مدعا به الاجنی اولدینی شهود مستمعه معدله نك شهاداتیله ثابت اولسنه مبنی مبلغ مذکورك مدعی علیه نك بالتحصیل مدعی یه اعطاسنه و حجز موضوعك تصدیقنه دأر صادر اولان اعلامك عندالاعتراض بالتدقیق تصدیقنه حکم و قرار ویرلیدی آکلا شلمشدر .

مستدعی تمیز طرفدن معطی لایحه اعتراضیه ده انشای محاکمه درمیان ایتدیکی وظیفه اعتراضی وارد اولدینی حالده رد اولمش یولسز ایدوکندن بخله اعلامك نفضی و لایحه جوابیه ده دخی اعتراضات مسروده نك غیر وارد ایدوکی بیانیله ردی و موافق اصول و قانون اولان اعلام مذکورك تصدیقنی طلب واستدعا ایدلمش و آنف الی ان مطالعه نامه مفادی ایسه مذکور اعتراض وارد اولمادی بیانندن عبارت بولمشدر .

ایجاب کیفیت مذاکره اولندقدہ خصوص مدعا هر نه قدر بوجه مشروح حکم و قراره ربط اولمش ایسه ده اموال غیر منقوله نك حجزی حقوق محکمه سنه عائد وظائفندن ایکن بوندن ذهول اولنه رق تجارت محکمه سنججه بوجه نك تحت حکمه آلمسی خلاف قانون اولدینی کی اعتراض علی الحکم اوزرینه محکمه طرفندن معترضه سند کندوسنك اولوب اولمادینی بالسؤال انکاری حالنده اولاد مدار تطبیق براوراک بولنوب بولمادینی مدعیدن کذلک سؤال ایدیلرک بولندینی صورتده تطبیقات اجرا ایدلمک و بولمادینی تقدیرده اصول محاکمه حقوقیه قانوننك یوز اوچنجی ماده سی حکمنه توفیق معامله ایدلمک یعنی شهودك حضور محکمه ده مهری مدعی علیه ک باصدیغنه دأر استماع اولمشی لازم کلور ایکن بوجه نك دخی ذهول اولنه رق بوجه مشروح قرار ویرلمسی مخالف قانون اولدیغندن اصول محاکمه حقوقیه قانوننك ایکی یوز قرق برنجی ماده سی موجبجه اعلام مذکورك برنجی فقره دن طولانی متفقاً و ایکنجی فقره دن طولانی اکثریتله تقضیله قانون مذکورك ایکی یوز قرق دردنچی ماده سی حکمنه توفیقاً کیفیتك بالرؤیه اعلامه ربطی ضمننده محاکمه مذکوریه اعاده سنه و مصارف آتیه تمیزیته نك ایلروده حقسز حقیقه جق طرفه عائد اولسنه ۳۰ کانون اول سنه ۳۲۹ تاریخنده قرار ویرلادی .

محکمہ تمیز حقوق دائرہ سدرہ صادر اولار ۳۱ کانون اول سنه ۳۲۹ تاریخنی ۲۵۱۹ نومردی اعلام صورتیتر :

« اراضی و مغروسات مشترک اولق ازره اراضی امیریه نك متصرفی طرفندن »

دیگرینه مقاوله خصوصیه ایله اعطا اولمشی غیر صحیح در »

سفریحصارک روم محله سنده مقیم یاقو اوغلی یورکی ایله جامع کیر محله سنده ساکن رنجبر حاجی عثمان

بیننده متحدث دعوايه دائر ایدین ولایتی استیناف حقوق محکمه سندن ۱۰ تشرین اول ۳۲۹ تاریخی و سکسان ایکی عددیله ویریلوب مرقوم یورکی طرفندن تمیزاً تدقیقی استدعا قلنان اعلام یالکز مستدعینک اعتراض لایحه سیله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مرقوم یورکینک سفریحصار بدایت محکمه سنه باعرضحال مراجعتله قوناق اراسی موقفنده کائن معلوم الحدود و والدهسی اطناشونهک متصرف بولندیغی درت دونم ترلاسی یارییه باغ غرس ایتمک اوزره اوچوز یکریمی ایکی سنه سنده مزبور کندوسنه اعطا وعقد مقاوله ایله اوچوز یکریمی سکز سنه سی اغستوسنه دکین امریقا آصمه چبوعیله چکردکسر باغ یتشدیرمش و مزبوردهک وکیل تعیین ایلدیکی مانول معرفتیه و کندوسنک اجازتیه مذکور باغی بیلرنده تقسیم ایدرک حصه سنه اصابت ایدن ایکی دونم باغی تسلیم ایلش و کیف مایشاء تصرف ایده کلکده بولنش ایکن مزبوره اخیراً حصه مذکوردهسی ویرمکدن و فراغی اعطا ایلکدن امتناع ایلکده اولدیغندن مزبوردهک جلیله مذکور ایکی دونم حقنده فراغه حکم اعطاسنی طلب و دعوی و مزبوره منازع فیه باغی صورت خفیه ده مرقوم عثمانه یتش لیرا مقابلنده فراغ ایلش اولدیغندن مرقوم عثمانک دخی مدعی علیه صفتیه داخل دعوی ایدیلرک اخذ ایلدیکی طابو سنداتنک فسخ و ابطالی علاوة طلب و درمیان ایلسی اوزرینه مزبوره اطناشونک غیابنده وحاجی عثمانک وجاهنده جریان ایدن محاکمه و تدقیقات نتیجه سنده مجله نک اوچوز یتش سکزنجی ماده سی موجبجه مذکور ایکی دونم باغ حقنده کی بیعک فسخیه مدعی علیه قوجه عثمان طرفندن ابراز اولنان طابو سندلرینک اولوجهله تصحیحنه و مدعینک باغ حقنده کی تصرفک تصدیقیله مدعی علیها مزبوردهک بوبابده قومیدسیون مخصوص حضورنده اعطای تقریر مجبور طوتیلمسنه وحاجی عثمان اغانک دخی مذکور ایکی دونم باغ حقنده کی مداخله نک منعیه مدعییه تسلیمنه و مذکور نصف باغک ثمنی حقنده حاجی عثمان اغانک مزبوره حقنده اقامه دعواده مختاریتنه دائر ویریلان اعلامک عندالاستیناف مدعینک اموال غیر منقوله نک تصرفنه تعلق ایدن دعواسی سنده مستند اولمدیغی و بوقیل دعاوینک استماعنده حکام باراده سنیه ممنوع بولندیغی حالده بدایت محکمه سنجه دعواى واقعه نک قبولیه مستأنفک باسند خاقانی عهدۀ تصرفده بولنان باغک نصفه وقوعبولان مداخله سنک منعنه قرار ویرلسندن طولانی فسخیه مدعینک والدهسی حقنده مذکور درت دونمک ترلا محلتک باغه تحویلی ضمننده وقوعی ادعا ایلدیکی خدمات سابقه سندن طولانی اجر مثل و حقوق سائرهنی طلبده مختار بولمق اوزره دعواى واقعه سنک ردیه مستأنف عثمانه قارشو معارضه دن منعنه قرار ویرلیدیکی اکلالمشدر .

اشبور قرار علیهنده بمنز طرفندن اعطا قلنان لایحه ده : هر نه قدر محکمه استینافیه جه بومثالو دعاوینک سنده مستند اولسی لازمکله چکی بیان ایلش ایسه ده منازع فیهک ملکیت و تصرفده اختلاف اولیوب یالکز مزبوره اطناشوله تحت تصرفده بولنان درت دونم ترلاسی اوزرینه کروم غرس ایتمک و حاصل اوله حق

باغه مشترکاً تصرف ایلک شرط و عوضیه کندوسنه صائمش و بیعک رکنی ایسه مجله احکامنجه ایجاب و قبولدن عبارت اوله رق شرط دائره سنده کروملرده غرس ایله اوزوم ادراکنه باشلامش اولدیغندن شرطه رعایتله مزبوردهک فرائه مجبورت قانونیه سی اولدیغنک نظر اعتباره التامسی و مقاوله یه مستنداً جریان ایدن معامله شرکت قیلندن اولوب مدعی و بو صورتله عقد شرکت ایدلردن ترلا صاحبک فسخ شرکت ایتمک ایستدیکنده دیکرینک عملنک اجر مثلیله باغ چبوقلرینک قیمتی ویرمکه مجبور طوتیلسنک بین تأمله التامسی و ۳ نیسان ۳۲۹ تاریخنده مزبور حاجی عثمانه باغ یری نامیله بیع ایدیلن مذکور ترلانک اوزرنده ملک کرومی اولدیغنه دائر تاریخ مذکورده مرقوم طرفندن اخذ اولنان سندک خلاف حقیقت اولدیغی میدانده ایکن محکمه جه بوجهت حقنده ده برقرار ویرلامسی یولسر و مغایر قانون اولدیغندن بحثله اعلامک نقضی طلب واستدعا اولمشدر .

ایجابی مذاکره اولندقد هر نه قدر بمنز مرقوم طرفندن بالاده محرر اعتراضاته بناءً اعلامک نقضی طلب اولنقدده ایسه ده بوجه مشروح اراضی و مغروسات مشترک اولمق اوزره اراضی امیریه نک متصرفی طرفندن دیکرینه مقاوله خصوصیه ایله اعطا اولمسی غیر صحیح ایدوکنه چونکه اراضی امیریه نک اجرت اولمق اوزره عامله اعطا ایدلمسی صاحب ارضک اذننه وابسته اولوب بواپسه غیر موجود بولندیغنه و بو صورتده مغروسات ارضه تبعاً متصرف ارضه عائد اولمسی لابد اولوب غارسک بتون مغروساتنک یوم غرسده کی قیمتی و برده عملنک اجر مثلی المسی ایجاب ایده چکنه و محکمه استیناف بوجهت لری قرار یرنده محافظه ایلدیکی اکلالمسنه کوره حکم مذکور اسباب موجبیه مستند اصول و قانونه موافق اولوب اعتراضات مسروده وارد و نقض حکمی موجب اولدیغندن ردیه اصول محاکمه حقوقیه قانوننک ایکی یوز قرق ایکنجی ماده سنک فقره ثانیه سی حکمنه توفیقاً اعلام مذکورک تصدیقته و زیرده مفردات و معطیسی محرر مصارف تمیزیه نک بمنز مرقومه عائد اولمسنه ۳۱ کانون اول ۳۲۹ تاریخنده اکثریتله قرار ویرلیدی .

محکمه تمیزیه حقوق دائره سنده صادر اولان ۱۱ کانون ثانی سنه ۳۲۹ تاریخی و ۲۴۰۲ نورولی اعلام صورتیر :

« طابو سندینک اعطاسی و اراضینک تصرفی ایچون بوقلمه اسباب قانونیه دن دکلدر »

سوکه قصبه سنک قوناق محله سنده ساکنلر متوفی دوه جی اوغلی ابراهیم جاوش ورثه سندن زوجه سی مریم و کریمه لری اسما و ثانیه خاتونلر و صغیر اوغلی محمد صبرینک وصیسی میراخور زاده سلیمان اغا ایله کوانبدلی حاجی محمدک اوغلی سلیمان زوجه سی امینه خاتون بیننده متحدث دعوايه دائر ایدین ولایتی استیناف محکمه سندن ۷ تشرین اول سنه ۳۲۹ تاریخی و یتش طقوز عددی ایله ویریلوب ورثه مرقومه طرفندن

تمیزاً تدقیق استعدا قلنان اعلام باش مدعی عمومیک مأموریت علیه سبک مطالعه نامه سی التذاتذکره طرفینک اعتراض وجواب لایحه لایله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاته نظراً ورثه مرقومه نك قصبه مذکوره جوارنده دودجی اوغلی قله سی موقعه کائن معلوم الحدود بر قطعه ترلا سنین وفیره دنبرو مورثلری متوفای مزبور ابراهیم چاوشک تحت تصرف وزراعتده ایکن بعدالوفات کندولرینه ارثاً انتقال ایلدیکی حالد مذکور ترلایه مزبوره امینه خانمک فضولاً واقع اولان مداخله سنک منعی حقنده سوکه بدایت محکمه سنه مراجعتله اقامه ایلدیگری دعوانک سبق ایدن محاکمه وتدقیقاتی نتیجه سنده ورثه مرقومه نك مورثلری اون التی سنه دنبرو اراضی منازع فیهای ایلغلقدن کشاد ایدرک اولصورتله تصرفده اولدیغندن بعدالوفات کندولرینه انتقال ایلدیکنی ادعا ایتمکده ایسه ده اراضی مذکوره حقنده طابو سند سی ابراز ایده ماملرینه ومدعی علیها وکیللری دخی اراضی مذکورده یی موکله لرینک مدعیلرک بیان ایلدیگری تاریخدن مقدم بر زماندنبرو تصرف ایتمکده اولدیغنی بیانله بر قطعه طابوسندی ابراز واعطا ایتمسه وبوکی باسند تصرف اولنان اراضی حقنده بلا سند تصرف ادعایی مسموع اوله میه جفی حکم قانون اقتضاسندن بولمسنه مبنی مدعی ورثه مرقومه نك اولبابده کی ادعالرینک ردینه دائر محکمه مذکورده صادر اولان اعلامک عندالاستیناف فسخیله بتکرار اجرا قلنان محاکمه وتدقیقات استینافیه نتیجه سنده مدعی علیها مزبوره امینه خاتون طرفندن ابراز اولنان سنک منازع فیه ترلانک حدودینه قسماً توافق ایلدیکی عندالکشف اکلشلمسنه ومستأنفلرک مجرد صورتلرینک سنین وفیره دنبرو مذکور ترلا یی زراعت ایتمکده ایدوکنندن بحتله انتقالاً تصرفلری حقنده کی ادعا سند وقید خاقانییه مستند اولماسنه وبوقیل سنده مستند اولیان تصرف دعوالری غیر مسموع اولمسنه بناء دعوا ی واقع نك ردیه ورثه مرقومه نك مستأنف علیها امینه خاتونه قارشو معارضه لرینک منعه حکم وقرار ویرلیدیکی اکلشلمشدر مستدعی تمیز ورثه مرقومه نك اعطا ایلدیگری لایحه اعتراضیه ده حکم واقعک بر ماده قانونیه استناد ایدلماسی وخصللری مزبورده نك ابراز ایلدیکی سندن منازع فیه ترلانک حدودینه اصلاً توفیق ایلدیکی عندالکشف ثابت واعلام تمیز بهک حکم محکمه مذکور سنک قسماً توافق ایلدیکی مصرح بولندیغنی حالد محکمه مذکوره جه بوجه محرر وادعالرینه قرار ویرلمسی یولسز وهغیر قانون اولدیغندن بحتله اعلام مذکورک تقضی وجواب لایحه سنده ده غیر وارد اولان اعتراضاتک ردیه موافق اصول وقانون اولان اعلامک تصدیق طلب واستعدا اولمش ومطالعہ نامه مذکور مندرجاتی دخی میزلرک مدعابه اراضی حقنده کی تصرفلری سند رسمییه مستند اولدیغندن طولانی اعلام تمیزیه محتویاتی موافق قانون ولایحه تمیزیه ده درمیان اولنان اعتراض غیر وارد ایدوکی بیاندندن عبارت بولنمشدر .

ایجابی مذاکره اولندقد هره قدر محکمه جه کیفیت بوجه محرر تحت حکمه النمش ایسه ده اعلام تمیز بهک مندرجاتندن مستفاد اولدیغنی اوزره مدعی عیالانک ابراز ایتش اولدیغنی سند یوقلمه دن اولوب حالبوکه

اراضی حقنده طابو سندینک اعطاسی وارضینک تصرفی ایچون یوقلمه اسباب قانونیه دن بولندیغنه کوره مذکور سند اثبات مدعایه کافی اولدیغنی کی مدعیلرک دخی یدنده معمول به سند بولندیغنه نظراً مذکور اراضی مدعی علیها نامه یوقلمه دن قیدک اجراسندن مقدم کیملرک نامه مقید اولدیغنی تحقیقی وبوندن بر نتیجه حاصل اولماز ایسه خارج اولان طرفندن بینه طلب ایدلمسی ایجاب ایدر ایکن غیر معمول به ومنازع فیه اولان ترلانک حدودینه تمامیه غیر مطابق سنده استناداً حکم اعطا ایدلمسی یولسز ومخالف قانون اولدیغنه بناء اصول محاکمه حقوقیه قانوننک ایکیوز اوتوز ایکنجی وایکیوز قرق برنجی ماده لری احکامنه توفیقاً اعلام مذکورک تقضیه قانون مزبورک ایکیوز قرق دردنجی ماده سی موجبجه کیفیتک بالرؤیه اعلامه ربطی ضمنتده محکمه مذکوره یه اعاده سنه واشبو دعوان طولانی اختیار ایدیلا مصارفک زیرده مفردات ومعطیس کوسترلمش اولغله بونلرک ایلروده حقسنز حقیقه جق طرفه عائد اولمسنه ۱ کانون ثانی سنه ۳۲۹ تاریخنده متفقاً قرار ویرلیدی .

حکم تمیز حقوق دائره سنده صادر اولان ۴ قانونه ثانی سنه ۳۲۹ تاریخ و ۲۵۰۷ نومرولی اعلام صورتنبره :

« قید رسمییه قارشو رهن حقنده شهود استماعی غیر جائزدر »

اورفه نك نعمه اه محله سنده مقیمه صوفیه بنت مغدیس بدروس ایله کرز محله سنده ساکنلر او اکیم ولد بامیه وقدسیه بنت سرکیس بینلرنده متکون دعوا یه دائر اورفه بدایت محکمه سنندن ۲۳ حزیران ۳۲۹ تاریخی وقرق اوچ عددی ایله ویریلوب مزبوره صوفیه قادین طرفندن تمیزاً تدقیق استعدا قلنان اعلام یالکیز مستدعی نك اعتراض لایحه سیله بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاته کوره مزبوره صوفیه قادین اورفه بدایت محکمه سنه باعرفحال مراجعتله کرز محله سنده معمار یانو سوقاغنده کائن وپدری متوفی مقدیسدن حال حیاتنده بدل معلوم مقابلنده بالتفرغ باسند متصرف اولدیغنی معلوم الحدود عقارده کی حصه سنه او اکیم و مریم نام کسنلر طرفندن وقوعبولان مداخله نك منعی حقنده استحصال ایلدیکی اعلام غیابی حکمه مزبور او اکیم بالاعتراض کندوسنک مذکور خانه ده برکونا علاقہ سی اولیوب آنجق مذکور خانه زوجہ سی قدسیه یه متوفای مرقوم مغدیس طرفندن ایکی بیک بشیوز غروش مقابلنده رهن ایلدیکی جهتله مدعیه نك رد وادعاسی وشخص ثالث صفیله داخل محاکمه ایدیلا ن قدسیه دخی زوجی مرقوم او اکیمک افاده سنی تصدیق ایله برقطعه رهن سندی ابراز واعطا ایلمسی اوزرینه وجاهاً اجرا قلنان محاکمه وتدقیقات نتیجه سنده مذکور خانه نك متوفی مغدیس طرفندن شخص ثالث قدسیه یه مبلغ مذکور مقابلنده رهن ایلدیکی مبرزسند مندرجاتی استماع اولنان شاهدلرک شهادتیه ثابت اولان رهن سندیه تحق ایتمسه وصوفیه یه فراغی ناطق علم وخبرک منازع فیهک بولندیغنی محله دن غیری بر محله دن

ویرلیدیکی طابوادره سندن جلب و تدقیق اولنان اوراق مؤداسندن اکلایدیگی کی خانه مذکورک رهینک دخی تاریخ فراغدن مقدم اولسنه و مال مرهونی مرتبهک اذنی اولدقجه راهنک آخره فراغی غیر جائز بولمسنه مبنی مدعیه صوفیه نک یدنده موجود طابونک ابطالنه و متوفانک ورثه سی تسویه دین ایله رهنی فک ایتدکلری تقدیرده خانه نک علی وجه الفریضه ورثه بیننده مشترک قالمسنه و ایدمه دکلری تقدیرده بالفروخت اثمانسندن مزبورده قدسیه قادینک آلاجهنک تحصیلیه متباقی ظهورنده متوفانک زوجیه سی مریم و مخدومی میخائل و کریمه سی صوفیه بینلرنده فرائض قاعده سنه توفیقاً تقسیم ایدلمسنه حکم و قرار ویرلیدیکی اکلالمشدر .

مستدعیه طرفندن ویریلان لایحه ده ؛ عندالحاکمه ابراز ایلدیکی سند رسمی به قارشو اولبابده کی رهن سندینک معتبر عدلیه برمنوال محرر قرار ویرلمسی یولسز و مغایر قانون اولدیغندن و اعتراضات سائرهدن بحثله اعلامک نقضی طلب واستدعا اولمشدر .

ایجابی مذاکره اولدقده خصوص مدعا هر نه قدر برمنوال محرر حکم و قراره ربط اولمش ایسه ده قید رسمی به قارشو رهن حقنده شهود استماعیه بروجه مشروح قرار ویرلمسی یولسز و مغایر قانون اولدیغندن اصول محاکمه حقوقیه قانوننک اکیوز اوتوز ایکنجی ماده سی موجبجه اعلام مذکورک نقضیه اکیوز قرق بشنچی ماده سی حکمنه توفیقاً کیفیتک اصلاحاً بالرؤیه اعلامه ربطی ضمننده محکمه مذکوره به اعاده سنه واشبو دعوان طولانی اختیار اولنوب زیرده مفردات و معطیسی محرر مصارفک ایلروده حقسنر حقیقه جق طرفه عائد اولسنه ۴ کانون ثانی سنه ۳۲۹ تاریخنده متفقاً قرار ویرلدی .

محکمه تمیز حقوقه دائره سندن صادر اولده ۱۲ ثانیه ثانی سنه ۳۲۹ تاریخ ۲۶۵۷ نومرولی اعلام صورتیدر :

« کفالت دعواسنده حکم مستأنف به نتیجه قطعی به اقراران ایتدکجه کفیلک محکومیتی لازم کلز »

بولوادیق قضاسی اهالیسندن دلی ایوب اوغلی حسین ایله قویق زاده ادهم میانه سندن متکون دعوایه دائر بولوادیق بدایت محکمه سندن ۲۷ تشرین ثانی سنه ۳۲۹ تاریخی ویکرمی طقوز عددیه ویریلوب مرقوم حسین طرفندن تمیزآتدقیق استدعا قلنان اعلام طرفینک اعتراض و جواب لایحه لریله برابر بالمطالعہ تدقیقات تمیزی به اجراسنه ابتدار قلندی

اعلام مذکور مندرجاتنه نظراً مرقوم ادهم با عرضحال محکمه مذکوره به مراجعتله کندوسنک علی چاوش ذمتنده محکوم به الاجنی اولان مبلغدن طولانی محکوم علیه عندالاستیناف حقسنر چیقیدنی تقدیرده کندوسنک دوچار اوله جنی ضرر و زیانی ادایه مزبور حسین با سند رسمی تکفل ایتش اولدیگی کی کندوسیده کیفیت استیناف حسینله تجارتندن محروم قالدیگی درت یوز و مصارف محاکمه و اجرت و کالت

وغیریمت و عودت خصوصاتنه صرف ایتدیگی الی یوز طقسان که جمعاً بیک طقسان سکر غروشک تحصیلنی طلب و دعوی و مذکور سندی ابراز واعطا و مدعی علیه کفالت ایتدیگی آدم اولبابده کی اعلام استینافی تمیز ایدمه جکندن عندالتمیز حقسنر چیقیدنی تقدیرده بالجله مصارفی تسویه ایدمه جکنی افاده و انبا ایللری اوزرینه جریان ایدن محاکمه و تدقیقات نتیجه سنده مدعی علیه مدعا به مسئله به کفالتی اولبابده کی اقراری و مبرز سند رسمی مندرجاتی ایله ثابت اولوب انجق اعلام مستأنف به هنوز اکتساب قطعیت ایتماش اولسندن طولانی مدعینک ادعا کرده سی اولان مبلغدن تجارتندن محروم قالدیگی بیان ایتدیگی درت یوز غروش حقنده کی ادعاسنک شمیدیک ردیه ماعدا الی یوز طقسان سکر غروشک مدعی علیه مدعی بالتحصیل مدعی به اعطاسنه حکم و قرار ویرلیدیکی اکلالمشدر .

مستدعی تمیز طرفندن معطی لایحه تمیزی به اساس مدعا به هنوز اکتساب قطعیت ایتماش اولدیگی حالده بوجهتک نظر دقه آلتامسی مخالف قانون اولدیغندن و افادات سائرهدن بحثله اعلامک نقضی و لایحه جوانیه ده دخی اعتراضات مسرووده نک غیر وارد ایدوکی بیانیه ردی و موافق اصول و قانون اولان اعلام مذکورک تصدیقی طلب واستدعا ایدلمشدر .

ایجاب کیفیت مذاکره اولدقده خصوص مدعا هر نه قدر بروجه مشروح حکم و قراره ربط اولمش ایسه ده حکم مستأنف به نتیجه قطعی به اقراران ایتدکجه کفیلک محکومیتی لازم کلیه جکی امر اشکار ایکن محکمه به بوجهت نظر دقه آلتامسنر بروجه مشروح قرار ویرلمسی مخالف قانون اولدیغندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورک نقضیه قانون مزبورک ایکی یوز قرق بشنچی ماده سی حکمنه توفیقاً کیفیتک اصلاحاً وتصحیحاً اعلامه ربطی ضمننده محکمه مذکوره به اعاده سنه و مصارف تمیزی به نک ایلروده حقسنر حقیقه جق طرفه عائد اولسنه ۱۲ کانون ثانی سنه ۳۲۹ تاریخنده اکثریتله قرار ویرلدی .

محکمه تمیز جزا دائره سندن صادر اولده ۱۳ ثانیه ثانی سنه ۳۲۹ تاریخ ۴۶۲۰ نومرولی اعلام صورتیدر :

محکمه تمیز جزا دائره سندن صادر اولده ۱۳ ثانیه ثانی سنه ۳۲۹ تاریخ ۴۶۲۰ نومرولی اعلام صورتیدر :

« قتل قصدیه جرح اعظم جرمندن معدوددر . »

توقاد سنجاغی بدایت محکمه سی جزا دائره سندن صادر اولان ۲۵ رمضان ۳۳۱ و ۱۴ اغستوس ۳۲۹ تاریخی و یوز یتش درت نومرولی اعلام ایله اوراق متفرعه سی باش مدعی عمومیلک مأموریت علیه سندن

۲۵ محرم ۳۳۲ و ۱۱ کانون اول ۳۲۹ تاریخی و درت بیک ایکویوز یتش درت نومرولی تبلیغنامه ایله محکمه تمیز جزا دأرهنه اعطا قلمشدر .

اعلام مذکورک خلاصه مالی اوچیوز یکریمی یدی سنه سی کانون اولنک یکرمنجی کیجه سی اربعه نك چالقره قریه سندن حسن باش اوغلی روشنی قورشونله جرح ایله صاغ قولنک تعطیلنه سبیت ویردیکی ادعا قلمسندن دولای جنایتله اتهام اولنان خواد قریه سندن عبدالرزاق اوغلی یکریمی بش یاشنده هاشم بن حمدی و مرقوم هاشم ایله آدیوان قریه سندن یوسف اوغلی علی یی قتل قصدیه جرح ایلمرندن دولای کذلک جنایتله متهم کولز اوغلی احمد و حلیم بن حسن و خالد بن محمد و محمد بن احمد و قبا بن طورمش و مجروح مرقوم روشن بن حسن بشه نك اجرا قلنان محاکمه علیه لری نتیجه سنده متهمون مرقوموندن و هاشم و روشنک بالمنازعه بونلردن هاشمک روشنی صاغ قولندن جرح ایدرک تعطیل عضویه سبیت ویردیکی و مرقوم روشنکده هاشمی صول بجای دیرقاغندن جرح ایلدیکی شهودک شهادتی و کشف و ضبط ورقه لری و طیب راپوری مندرجاتیه ثابت اولدیغندن اولوجهله مجرمتلرینه و حرکتلرینه توافق ایدن قانون جزانک یوز یتش یدنجی ماده سی حکمنه توفیقاً اوچر سنه مدته کورکه قوللرینه و دیگر لرینک برائتلرینه ۲۸ مارت ۳۲۹ تاریخده حکم اولدیغندن عبارتدر .

اوراق دعوی بعدالمطالع حکم جنایتدن دولای تدقیقات تمیزیه اجرا اولندقدده مجروحلرک معاینه لرینی حاوی راپورلرک قطعی المفاد اولماسنه نظراً تکرار معاینه ایندیریله رک قطعی راپور اخذی لزومنه رعایت و جرمک اسباب ثبوتیه سی علی وجه التفصیل مجرمت قرارنده ذکر و تعداد اولمامش و متهملرک عندالحاکمه ثابت اولان فعللری تعطیل عضوی منتج اوله جق صورتده قتل قصدیه جرحدن عبارت بولمسنه و قتل قصدیهله جرح فعلی اعظم جرم اولمسنه کوره جهت تطبیقه ده اصابت کوریه مامش و جهات مذکوریه متضمن اولان و تبلیغنامه محتویاتی حسیهله وارد و بجا کورلمش اولدیغندن حکم مذکورک اصول محاکمات جزائییه قانوننک اوچیوز اون دردنجی ماده سنه توفیقاً نقضه و احکام قانونیه دأرهنه سنده ایفای معامله اولنق اوزره اوراقنک محله اعاده سنه و ایکویوز غروش اعلام خرچنک ایلروده حقسنر چیه جق طرفدن تحصیلنه ۱۹ کانون اول ۳۲۹ تاریخده متفقاً قرار ویرلدی .

محکمه تمیز جزا دأرهنه صادر اولره ۱۴ ثوره ثانی سنه ۳۲۹ تاریخی و ۴۶۵۵ نومرولی اعلام صورتدر :

« مال مسروقک اشیا خسیسه دن اولدینی بیانیه متهمک تحفیف مجازاته کیدلسنده »

اصابت قانونیه یوقدر »

ملاطیه سنجانغی بدایت محکمه سی جزا دأرهنه سندن تنظیم و اعطا قلنان ۶ محرم سنه ۳۳۲ و ۲۱ تشرین

ثانی سنه ۳۲۹ تاریخی و التمش طقوز نومرولی اعلام ایله اوراق متفرعه سی باش مدعی عمومیلک مأموریت علیه سندن نقض طلبنی حاوی ۱۳ صفر سنه ۳۳۲ و ۲۸ کانون اول سنه ۳۲۹ تاریخی و درتیک درتیوز یتش التی نومرولی تبلیغنامه ایله محکمه تمیز جزا دأرهنه تودیع ایدلمشدر

اعلام مذکورک خلاصه مالی حصه منصور قضاسنک اسکی سرای محله سندن و ارمی ملتندن بارداجیان میناس اوغلی ستراک دکانی لیلأ و مکرراً کشاد ایدرک معلوم المقدار جام و طوزینی سرقت ایتک ماده سندن دولای جنایتله اتهام اولنان و قضای مذکورک قاب جامع محله سندن باقوش اوغلی شکری بن مامو و حق الماز اوغلی عمر بن محمدک جنحه مظنونیه معاً اجرا قلنان محاکمه لری نتیجه سنده متهمان مرقوماندن شکرینک دیوار دلمک صورتیه سرقت مذکوریه جرأتی شهودک شهادتی و ضبط و وقعه سی مندرجاتی و امارات سائر ایله ثابت اولدیغندن مجرمتیه و حرکتیه تطابق ایدن قانون جزانک ایکویوز یکرمنجی و سرقت اولنان اشیانک اشیا خسیسه دن بولمسی و قبل الحکم اعاده قلمش اولمسی جهتیله ده ایکویوز اتوزنجی و حین ایقاع جرمده اون سکزی یاشنی اکمال ایتامش اولمسنه مبنی قرقنجی ماده لرینه توفیقاً و تنزیلاً تعین اولنان ایکی سنه کورک جزاسنک ثلثانی اولان اون التی آی و جنحه مظنونی مصطفانک دخی بر هفته مدته حبسلرینه و عمرک برائتنه ۲۸ مایس سنه ۳۲۸ تاریخده حکم اولدیغندن عبارتدر .

اوراق موجوده بعدالقراءه حکم جنایتدن دولای تدقیقات تمیزیه اجرا اولندقدده جرم مذکورده اسباب مخففه بولندینی حاده قانون جزانک قرق یدنجی ماده سی موجبجه ایفای معامله ایدلمسی ایجاب ایدرکن سرقت عادیهله مخصوص اولان ایکی یوز اتوزنجی ماده قائمه سنه توفیقاً مال مسروقک اشیا خسیسه دن اولدینی بیانیه متهمک تحفیف مجازاته کیدلسنده اصابت قانونیه اولدیغندن اصول محاکمات جزائییه قانوننک اوچیوز اون دردنجی ماده سنه توفیقاً حکم مذکورک تقضیه احکام قانونیه دأرهنه سنده ایفای معامله اولنق اوزره اوراقنک محله اعاده سنه و ایکی یوز غروش نقض خرچنک ایلروده حقسنر چیه جق طرفدن تحصیلنه ۲ کانون ثانی سنه ۳۲۹ تاریخده اکثریتله قرار ویرلدی .

محکمه تمیز جزا دأرهنه صادر اولره ۲۷ ثوره ثانی سنه ۳۲۹ تاریخی و ۴۸۴۷ نومرولی اعلام صورتدر :

« تعرض شدید تحریک و مقابله یی منتج احوالندر »

اورفه سنجانغی بدایت محکمه سی جزا دأرهنه سندن صادر اولان ۱ محرم سنه ۳۳۲ و ۱۶ تشرین ثانی سنه ۳۲۹ تاریخی و قرق یدی نومرولی اعلام ایله اوراق متفرعه سی باش مدعی عمومیلک مأموریت علیه سنک ۱۲ صفر سنه ۳۳۲ و ۶ کانون ثانی سنه ۳۲۹ تاریخی و درت بیک التی یوز طقسان نومرولی تبلیغنامه سیله محکمه تمیز جزا دأرهنه اعطا قلمشدر .

اعلام مذکورک خلاصه مالی اوچیز یکر می سکز سنه سی تشرین ثانیه سی ظرفده بیره جک قضا سنک زهره جک قریه سنندن علی بن احمدی قتل و قره جورون قریه لی حسن بن محمدی جرح ایلدکلی ادعا قلم سنندن طولانی جنایتله اتهام اولنان قریه مذکورلی جلاد اوغلی جعفر بن هو و برادرلی سید و مجینک اجرا قلنان محاکمه لری نتیجه سننده متهمون مرقومون جعفرک علی بن احمدی متهوراً قتل و حسنیه ده جرحه جرأتی شهادت واقعه و دلائل و امارات سائر ایلد ثابت اولدیغندن اولوجهله مجرمیتنه و قانون جزانک یوز یتیش دردنجی و حین ایقاع جرمده اون سکز یاشنی اکمال ایتدیکی جهتلده قرقچی ماده لری احکامنه تطبیقاً مستحق اولدینی اون بش سنه کورک جزا سنک نصفی بالتزلیل یدی بچق سنه مدته حبسنه و دیگر لرینک مذکور قتل و جرح فعللرنده مدخل و مشارکت لری اکلاشیله مدیغندن برائت لری ۷ اغستوس سنه ۳۲۹ تاریخنده حکم اولدیغندن عبارتدر.

تبلیغ نامه ده دخی متهم مرقومک اون سکز یاشنی اکمال ایتدیکنک نه کی دلائل احوال دن استنباط اولدینی اعلام و ضبط نامه ده قید و تصریح ایدلماش اولدیغندن بجهله اعلام مذکورک نقضی طلب ایدلشدر. اوراق دعوی بعد المطالعه حکم جنایت دن طولانی تدقیقات تمیزیه اجرا اولندقدده محکمه ده استماع اولنان شهود دن بر قسمی و رفقا سنک متهمی تیمور کورکله ضرب ایدرک یره دوشد کدن صکره متهمک سلاخی آتدیغنی بیان و شهادت ایلش اولملرینه نظراً مقتول ایلد رفقا سی طرفلرندن واقع اولان شو تعرض شدید تحریک و مقابله نی منتج احوال دن اولدینی حالده باعث تحریک اولمیه جغه دائر قرار نامه ده سرد و بیان اولنان مطالعات اسباب موجب قانونیه مستند کوریه ماش اولدیغندن اشبو سببه بناءً و اصول محاکمات جزائییه قانونک اوچیز اون دردنجی ماده سننه توفیقاً حکم مذکورک تفضیل احکام قانونیه دائره سننده ایفای معامله اولتیق اوزره اوراقک محله اعاده سنه و ایکویز غروش اعلام خرجنک ایلروده حقسز حقیقه حق ظرف دن تحصیلنه ۹ کانون ثانی سنه ۳۲۹ تاریخنده متفقاً قرار ویرلدی.

محکمه تمیزیه جزا دائره سننده صادر اولده ۲۷ کانونه ثانی سنه ۳۲۹ تاریخنی و ۴۹۲۹ نومرولی اعلام صورتیدر :

« اکثریت ثلثان آرانک مجرمیت قراری اعطاسی ایچون لازمدر . »

دکزیل سنجانی بدایت محکمه سی جزا دائره سنندن صادر اولان ۱۵ ذی القعدة سنه ۱۳۳۱ و ۳ تشرین اول سنه ۱۳۲۹ تاریخلی و یوز اتوز ایکی نومرولی اعلام ایلد اوراق متفرعه سی باش مدعی عمومیلک مأموریت علیه سنندن ۱۶ صفر ۳۳۲ و ۳۱ کانون اول ۳۲۹ تاریخلی و درت بیک آلتی یوز اوچ نومرولی تبلیغ نامه ایلد محکمه تمیزیه جزا دائره سننه اعطا قلمشدر .

اعلام مذکورک خلاصه مالی اوچیز یکر می یدی سنه سی حزراننک اون آلتیجی کونی طواس

قضا سنک یرانکومه قصبه سنندن شا کر اوغلی عثمانی قتل ایلدیکی ادعا قلم سنندن دولانی جنایتله اتهام اولنان قریه مذکورده دن شا کر آغا اوغلی یکر می یدی یاشنده نورینک محکومیتنه مقدمه صادر اولان اعلام عندالتمیز بعض اسباب قانونیه مبنی نقض ایلد اعاده قلمسی اوزرینه بوکره اجرا قلنان محاکمه نتیجه سننده متهم مرقومک صو مسئله سنندن متولد منازعه اوزرینه متهوراً فعل قتل مذکورده مجاسرتی مع القسم واقع اولان شهادتی و ضبط ورقه سی و طیب راپوری مندرجاتی و دلائل و امارات سائر ایلد ثابت اولدیغندن اولوجهله مجرمیتنه و حرکتنه توافق ایدن قانون جزانک یوز یتیش دردنجی ماده سنک فقره اولاسنه توفیقاً بدایت تاریخ توقیفی اولان اوچیز یکر می طقوز سنه سی شعبانک یکر می سکزنجی کونندن اعتباراً اون بش سنه مدته کورک قولسنه ۱۸ ایلول ۳۲۹ تاریخنده حکم اولدیغندن عبارتدر. محلی مدعی عمومی معاونلکنک لایحه تمیزیه سی مفادی دخی فعل قتل اسباب محفقه دن عاری اوله رق وقوعه کلدیکی حقه ده اکثریت آرا حاصل اوله مدینی تقدیرده رأی اقلیتله اسباب محفقه ایلد تجریمی لازمکلرکن اکثریت عادییه ایلد اسباب محفقه دن عاری اوله رق مجرمیت قراری اعطاسی مخالف قانون اولدیغندن بجهله اعلام مذکورک نقضی استدعاسنی حاوی بولمشدر .

محکوم مرقوم طرفلر ویریلوب میان اوراقده بولسان لایحه تمیزیه ده دخی فعل مذکورک بالمقابله وقوعه کلدیکنه و مدافعه درمیان اولنان اعتراضات نظر دفته آتدیغنه و سائر نقصان تدقیقات و تحقیقاته دائر اعتراضات سردیله اعلام مذکورک نقضی استدعا بولمشدر .

تبلیغ نامه ده دخی لایحه تمیزیه ده سرد اولنان اعتراضات مندرجات اعلامه نظراً وارد اولوب نقض واقعه تبعاً صورت جریان محاکمه سیله جهت تطبیق حقه ده اعتراضه محل کوریه میان اعلام اخیر مذکورک تصدیق طلب اولمشدر .

اوراق دعوی مطالعه اولندقدن صوکره تدقیقات تمیزیه اجر اولندقدده محکوم علیه لایحه تمیزیه سننده وصف جرمه و نقصانی تدقیقاته دائر درمیان اولنان اعتراضات مندرجات اعلامه نظراً وارد کوریه مدیکی کی اکثریت ثلثان آرانک یالکیز مجرمیت قراری اعطاسی ایچون لازم اولدیغنه کوره اسباب محفقه تقدیریه نک عدم وجودی حقه ده تحصیل ایلان اکثریت عادییه توفیقاً اتخاذ اولنان قرار موافق قانون اولمغه مدعی عمومی معاونلکنده لایحه تمیزیه سننده فعلده اسباب محفقه تقدیریه نک موجودیتنه دائر اولان رأی اقلیت محکمه جه نظره آتیه رق اکثریت عادییه ایلد اسباب محفقه اولمادیغنه قرار ویرلمسی یولسز اولدیغنی متضمن اوله رق درمیان اولنان اعتراض دخی غیر وارد اولوب مرقوم نوری حقه ده اخیراً جریان ایدن محاکمه ایلد لاحق اولان حکم موافق اصول و قانون بولمش اولدیغندن حکم مذکورک تصدیقه و یوز غروش اعلام خرجنک مرقومدن تحصیلنه ۱۲ کانون اول سنه ۱۳۲۹ تاریخنده متفقاً قرار ویرلدی .

محكمة استئناف دارالدين

محكمة استئناف دارالدين صادره اولاده ۷ تشرین اول سنه ۳۲۹ تاریخ ۱۷۴۰ نومردی اعلام صور تیر:

« هیئت حاکمه میانده اعضا وکالتند بولندیریلان افندیك صنت قانونیه سنك کوسترلامی نقض حکمی مستلزمدر . »

یوزغاد سنجانی استیناف محکمه سی جزا دأرہ سندن تنظیم واعطا قلنان ۲۲ مایس ۳۲۹ تاریخ و یوز اون التی نومردی اسلامک تمیزاً تدقیق طلبی حاوی محکمه مذکورہ مدعی عمومیلکی جانبندن معطی استدعایامه سیله اوراق متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دأرہ سنه تودیع اولمش ولدی التدقیق مذکور استدعایامه نك مدت معینه قانونیه سی ظرفنده اعطا قلندیگی اکلالمش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی اسماعیل کهیانك ذخیره سنی سرقت ایتدکاری ادا اولنان علی اوغلی محمد ایله شیخ بکرک قانوننامه جزانك ایکیوز یکرمی ایکنجی ماده سی منطوقنجه التیشرمه حبسلرینه دأرہ بدایه لاحق اولان حکمک حقوق عمومیه مأموری جانبندن استیناف ایدلسی اوزرینه تطبیقات نقطه سندن فسخیله مظنون مرقومانك قانون مذکورک ایکیوز یکرمی بشنجی ماده سی حکمنه توفیقاً برر هفته حبسلرینه قرار ویرلدیکنی متضمندر .

لایحه تمیزیه ده درجه اولی محکمه سنجه هیئت حاکمه یه طاری اولان نقصانك صفت قانونیه یی حائر اولیمان ضبط کاتبی ایله اکللی جهته کیدلسنك یولسرلغنه دأر سرد اولنان اعتراضك عندالاستیناف ردیله حکم ابتدائینك جهت تطبیقه دن فسخ اولمش وبعدا لفسخ تکریر محاکمه قاعده سنه رعایت اولنمقسزین بروجہ محر اتخاذ قرار ایدلسی مخالف اصول و قانون بولمش ایدوکندن بخله اعلام استینافی مذکورک نقضی استدعا ایدلدیکی کی تبلیغنامه ده دخی بدایه جریان ایدن محاکمه ده هیئت میانده اعضا وکالتند بولندیریلان جودت افندیك صفت قانونیه سی کوسترلامش اولمی اصولاً فسخ حکمی مستلزم بولنق اعتباریله اعلام ابتدائینك بوسبیدن فسخی اقتضایدر ایکن بونقطه دن ذهول ایدلسی یولسر و لایحه تمیزیه ده مومی الیه جودت افندیك باشکاتبه وکالت ایدر بر ضبط کاتبی اولدینی حالدہ اعضایه وکالتنك قانونه مغایر بولندیغه دأر سرد ایدیلان اعتراض شوصورتله وارد و نقضی مستلزم ایدوکندن اعلام ممیز به مذکورک بوسبیدن ناشی نقضی لزومی کوسترلشددر .

ایجابی لدی المذکره مندرجات اعلامدن منقهم اولدینی وجهله ذخیره سرقی ماده سندن طولای مظنون اولان محمد ایله بکرک تحدید جزالرینه دأر بدایه لاحق اولان حکمک عندالاستیناف تطبیقات نقطه سندن

فسخیله برر هفته حبسلرینه قرار ویرلمش ایسه ده بدایه جریان ایدن محاکمه ده هیئت حاکمه میانده اعضا وکالتند بولندیریلان جودت افندیك صفت قانونیه سی کوسترلامش اولمی اصولاً فسخی مستلزم احوالندن بولمش ایکن بوجهندن ذهول ایدلمش و برده اصول محاکمات جزائییه قانوننك یوز طقسان یدنجی ماده سی مندرجاتندن استنباط اولدینی اوزره محکمه استینافیه جه مظنون مرقومان حقلرنده بدایه حکم اولنان التی ماه حبس جزاسنك ماهیت فعله نظراً تعدیلنه لزوم کورلدیکی حالدہ سبب تعدیلک تعیین وارانہ سیله بعدالفسخ ومدعی عمومیلک مقامنك مطالعه سیله حاضر بولنان طرفینک بوبابده کی ادعا ومدافعاتی استماع اولنه رق شویولده تکریر محاکمه قاعده سنه رعایه ایشك درجه ثانییه ده قراره ربطی لازم کلورکن بوصورتله معامله اولنمقسزین حکم ابتدائی مذکورک فسخیله برابر برر هفته حبسلرینه قرار ویرلمش یولسر ومغایر اصول وقانون اولوب تبلیغنامه مندرجاتیله لایحه تمیزیه مؤداسی وارد و بجاکورنمش اولدیغندن اصول محاکمات جزائییه قانوننك اوچ یوز اون دردنچی و اوچ یوز اون طقوزنجی ماده لری منطوقنجه اعلام استینافینك اسباب محرره دن ناشی نقضیله احکام قانونیه دأرہ سنده ایقای معامله اولنق اوزره اوراق دعوانك محله اعاده سی وایکیوز غروش اعلام خرجنك تعرفه وتعلیات مخصوصه سی حکمنه توفیقاً ایلروده حقسز حقیقه جق طرفدن استیفاسنه ۷ تشرین اول سنه ۳۲۹ تاریخنده متفقاً قرار ویرلدی .

محكمة استئناف دارالدين صادره اولاده ۱۱ تشرین ثانی سنه ۳۲۹ تاریخ ۲۱۹۰ نومردی اعلام صور تیر:

« دعوتیه ورقه سنك صورت تنظیمنده کی یولسرانی نظر دقته آلتق لازمدر . »

خداوندکار ولایتی استیناف محکمه سی جزا دأرہ سندن تنظیم واعطا قلنان ۲۰ تموز سنه ۳۲۹ تاریخ وایکی یوز نومردی اعلامک تمیزاً تدقیق طلبی حاوی محکمه مذکورہ مدعی عمومیلکی جانبندن معطی استدعا ایله اوراق متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دأرہ سنه تودیع اولمش ولدی التدقیق مذکور استدعایامه نك مدت قانونیه سی ظرفنده اعطا قلندیگی اکلالمش ایدوکندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی برهانیه قضاسی مال مدیری ضیا افندی ایله قره سی بدایت محکمه سی هیئت عدلیه سنی تحقیر ایتدیکی ادا اولنان داود باشا محکمه شرعیه سی نأبی مصطفی نافع افندیك تحدید جزاسنه دأر غیاباً ویریلان اعلام علیه نه اعطا ایدلدیکی اعتراض استدعایامه سنك ایلک یوم اجتماعه اثبات وجود ایتدیکی اکلالمش ایدوکندن بخله کان لم یکن عدینه قرار ویرلدیکنی متضمندر . تمیز استدعایامه سنده معترض مومی الیه اولاً مستأنف و اخیراً مظنون صفتیله جلبنامه کوندرلمش اوزرینه مومی الیهک نه صفتله محکمه یه دعوت اولندیغنك کندیسنه بیلدیرلمقسزین اعتراض استدعاسنك ردینه قرار ویرلمش مغایر قانون

ایدو کنند بخله اعلام استینافینک نقضی استدعا اولمش وتبلیغنامه ده دخی مذکور استدعای نامده سرد اولنان اعتراضات غیر وارد ایدو کی بیانیه ردی لزومی کوسترلشدرد .

ایجابی لدی المذاکره بالاده مرقم تمیز لایحه سنده کوسترلیدی واوراق متعلقه مندرجاتندن استنباط اولندی و جهله مظنون مصطفی نافع افندیك تحدید جزاسنه دائر لاحق اولان حکم غیابی عاینده اعطا ایلدیکی اعتراض علی الحکم استدعای نامده سی اوزرینه تعیین ایدیلان یوم محاکمهی ناطق تنظیم واعطا قلنان و تصریحی طلب ایدلمش اولدیغی حالده محکمه ده دعوت اولندیغنک بیلنه مدیکندن بخله بو جهتك بیان درکنارنده مومی الیه طرفندن نه صفتله محکمه حلیه جه معترض صفتنده بولنان مومی الیهک مظنون صفتیه ترقیم و املا قلنان دعوتیه ورقه سنک صورت تنظیمنده کی یولسزلق نظر دقتسه التمسین دعوی واقعیه عدم اجابتندن بخله سالف البیان اعتراض استدعای نامده سنک ردی یولنده اتخاذ قرار اولنسی یولسز و مغایر اصول وقانون بولمش ایدو کنند اصول محاکمات جزائی قانوننک اوچیز اون دردنجی و اوچیز اون طقوزنجی ماده لری منطوقجه قرار مذکور اعلامنک بو سببندن ناشی تفضیله احکام قانونیه دائره سنده ایفای معامله اولنق اوزره اوراق متعلقه سنک محکمه مذکوریه اعاده سنه وایکی یوز غروش اعلام خرجنک تعرفه و تعلیمات مخصوصه سنه توفیقاً بالاخره ایجاب ایدن طرفدن استیفا سنه ۲۶ تشرین اول ۳۲۹ تاریخنده متفقاً قرار ویرلدی .

محکم تمیز استدعا دائره سنده صادر اولده ۱۱ تشرین ثانی سنه ۳۲۹ تاریخ ۲۱۹۰ نومردی اعلام صورتیبره :

« جلب واستماعی تحت قراره آلتان شهودک بلا اسباب موجب جلبندن صرف نظر اولنسی موجب نقضدر . »

حلب ولایتی استیناف محکمه سی جزا دائره سندن تنظیم واعطا قلنان ۱۶ تموز سنه ۳۲۹ تاریخ و یوزیکرمی ایکی نومردی اعلامک تمیزاً تدقیقی مستدعی ولایت مذکور اورمان اداره سی جانبندن معطی استدعای نامده ایه اوراق متفرعه سی باش مدعی عمومیلک مأموریت علیه سندن بتبلیغنامه محکمه تمیز استدعای نامده سنه تودیع اولمش ولدی التدقیق مذکور استدعای نامده نک مدت قانونیه سی طرفنده اعطا قلندیگی اکلانلشدش ایدو کنند بالقبول تدقیقات تمیزیه اجرا سنه ابتدار اولندی .

اعلام مذکور خلاصه مالی میری اورمانندن بلارخصت اغاج قطع ایلدیکی ادعا اولنان جددک اوغلی ولینک اجرا قلنان محاکمهی نتیجه سنده قطعیاتک تاریخ وقوعه دائر برقید و اخباره دسترس اولنه مایوب جلب واستماع اولنان حاجی احمد افندیك و عثمان کهیانک مدعابه کراسته لری مظنون علیک سنه سابقه ده و بارخصت رسمیه کراسته اعمال ایلدیکی صروده تهیه ایلدیکی و مظنون مرقومک ضبط ورقه سنده درمیان اولنان اقرار واقع اولمادیگی و اورمان مأمورلری مذکور ضبط ورقه سنی مواجهه لرنده قرائت ایتیه رک حقیقت حالی

یازدق دییه کنسیدلرینه تحیم ایتدیردکاری و سر بکچی یحی افندیك ده مذکور کراسته لر قورز اولوب مظنون مرقومک ده هر سنه بارخصت رسمیه کراسته اعمال ایدر اولدیغی اخبار ایللریده بوبابده کی ضبط ورقه سنک خلافتی اثبات ایلسنه وشو صورتله ایشده مرور زمان وقوعی محقق کورلسنه بناء اورمان نظامنامه سنک اوتوز برنجی ماده سی موجبجه استدعای ردیه مرقومک عدم مسئولیتنه دائر بدایه لاحق اولان حکمک اورمان اداره سی جانبندن استیناف اولنسی اوزرینه اولبابده اجرا قلنان محاکمه و تدقیقات استینافیه نتیجه سنده موافق اصول وقانون ایدو کنند بخله تصدیقه قرار ویرلیدیکی متضمندر .

لایحه تمیزیه ده مدتی کچمش اولان رخصتنامه یه استناداً تعمیق تدقیقات ایدلمکسزین دعواده مرور زمان واقع اولدیغندن بخله برمنوال محرر قرار ویرلسی مغایر قانون ایدو کنند بخله اعلام استینافینک نقضی استدعا اولمش وتبلیغنامه ده دخی بدایت محکمه سنجه قطعیاتک تاریخ وقوعه محاکمه برقید و اخباره دسترس اولنه مادیغندن وضبط ورقه سنی امضاییدن کسانک مظنون علیک افاده سنه عطفاً خلاف مندرجاتنه شهادت ایلدکرندن بخله دعواده مرور زمان وقوعی حقنده متخذ حکم و قرارک عندالاستیناف تصدیقه کیدلمسی یولسز ولایحه تمیزیه ده بوخصوص حقنده سرد ایدیلان اعتراض وارد ونقضی مستلزم بولندیغندن اعلام مذکورک بوسببندن ناشی قضی لزومی کوسترلشدرد .

ایجابی لدی المذاکره مندرجات اعلامدن منقهم اولدیغی وجهله میری اورمانندن بلارخصت اشجار قطع ایتک ماده سیله مظنوناً محکمه یه سوق ایدیلان ولینک اجرا قلنان محاکمهی اثناسنده جلب واستماعی تحت قراره النان شهوددن اورمان مأموری دورمش وحسین افندیك بالاخره بلا اسباب موجب جلبندن صرف نظر وشاهد یحی افندیك اعلامک محاکمات جاریه یی ناطق قسمنده مثلی افادات واقع سنک قرار محلنده بشقه صورتده واسباب موجب صروده سنده بیان وتذکار اولمش وقطعیات تاریخی صورت قطعیه ده تعیین وتحقق ایتمسزین مرور زمان وقوعندن بحث ایدلمش اولسی کی درجه اولی محکمه سنجه واقع اولان خطیاته بناء حکم ابتدائینک فسخی ونواقص مذکور نک اکالی صورتیه اجرامی مقتضی تدقیقات نتایج کوره ایشده مرور زمان وقوعنک ثبوت وتحقیق حالده اکا کوره اتخاذ قرار اولنق لازم کلورکن محکمه استینافیه بورالری نظر دقته التمایه رق ذکر اولنان حکم ابتدائینک تصدیق اولنسی یولسز ومستلزم نقص احوال دن اولوب لایحه تمیزیه مؤداسی تبلیغنامه ده دخی مرقم اولدیغی وجهله شو صورتله وارد وبجا کورنمش ایدو کنند اصول محاکمات جزائی قانوننک اوچیز اون دردنجی و اوچیز اون طقوزنجی ماده لری منطوقجه اعلام استینافینک اسباب محرره یه بناء تفضیله احکام قانونیه دائره سنده ایفای معامله اولنق اوزره اوراق متعلقه سنک محکمه مذکوریه اعاده سنه وایکی یوز غروش اعلام خرجنک تعرفه و تعلیمات مخصوصه سنه توفیقاً ایلرده حقنر حقیقه جق طرفدن استیفا سنه ۱۱ تشرین ثانی سنه ۳۲۹ تاریخنده متفقاً قرار ویرلدی

محكمة تميز حقوق دائره سنجه تدقيقاتي نتیجه پذیر اولان دعاوی اعلاماتنك لیسته سی

اوراق نومروسی	تمیز علیہ	تمیز	اسامی محاکم
٢٩ ٥٥٨	حلب استیناف	خلف الهادی ورفقاسی	صبری پاشا
٢٩ ٤٧٠	سلیمانیه بدایت	محمد	امینه
٢٩ ٥٢٠	بهن	حاجی علی	قره محمد
٢٩ ٥٢١	»	علی واحد بک	قره محمد
٢٩ ٥١٩	»	توفیق افندی	قره محمد
٢٩ ٤٨٧	قیصریه	محمد افندی	حلیق افندی
٢٩ ٤٨٦	در سعادت استیناف	اسماعیل سیف الدین افندی	مظهر افندی
٢٩ ٢٨ ١٨٥ ٣٥٢٧	ایدین استیناف	نلسون واندریا	موسیو البر
٢٨ ٢٧٧٩	بغداد بدایت	یعقوب	حسین
٢٩ ٣٤٦	اطنه	محمود صبری افندی	صالح
٢٩ ٣٨١	اقشهر	احمد شریف	واسیلکی
٢٩ ٥٠٢	اونوس	مصطفی	حسین
٢٩ ٣٣٨	ازمیر تجارت	خاتم الایوف	ملا محمد
٢٩ ٣٦٢	ایکنجی	خرشیان حرانت افندی	کر قور ورثه س
٢٩ ٥١٧	اقشهر بدایت	ملا محمد	ملا مصطفی
٢٩ ٥٠٧	کلیس	علی چاوش	حاجی هاشم بک
٢٨ ٣٦١	بک اوغلی برنجی حقوق	شهراماتی	عبده
٢٩ ٣٨٥	قونیه استیناف	حسن اوسته	صدیقه
٢٩ ٢٢٥	معدن بدایت	پنایوط ورفقاسی	حاجی ابراهیم افندی
اوراق نومروسی	تمیز علیہ	تمیز	اسامی محاکم
٢٩ ٤٢٦	بور دور	مصطفی افندی	شا کر افندی
٢٩ ٤٤٤	انطاکیه	حوا	حسین افندی
٢٩ ٤٦٨	بازید	رسول و سائر	شکویان لئون افندی
٢٩ ٤٠٢	چهارشنبه	حاجی مصطفی ورفقاسی	ایشار
٢٩ ٤٧٩	ملاطیه	کر قور کسبار	قره بت ورفقاسی
٢٩ ٢٩	سماو	قدیر	مصطفی
٢٩ ٥٠٠	کوتاهیه استیناف	سلیمان و ملاهت	ملا محمد
٢٩ ٤٩٦	عشاق بدایت	حافظ سلیمان افندی	فاطمه خانم
٢٩ ٤٤٢	جانیک	خورشید	سلیمان بک
٢٩ ٤٧١	نوشهر	فاطمه	حسین افندی
٢٩ ٥١٦	انقره استیناف	احسان بک	جوزی
٢٩ ٣٦١	در سعادت استیناف حقوق امنیت صندوقی	حلمی افندی	نقض ٢٨ نیسان سنه منه
٢٩ ٣٣٧	آیدین استیناف	بکلو قریه سی	کومیلچه قریه سی
٢٩ ٤٨٩	جانیک تجارت	اوروز دباق شرکتی	اروزیان برادر لر
٢٩ ٥٠٨	کلیس بدایت	ابراهیم خلیل	خدیجه
٢٩ ٢١١	اقحصار	حسن افندی	حسین پهلوان
٢٩ ٤٤٨	مرسین	مصطفی افندی	طور مش

اوراق نومروسی	تمیز علیہ	تمیز	اسامی محاکم
٢٩ ٥٥٨	حلب استیناف	خلف الهادی ورفقاسی	صبری پاشا
٢٩ ٤٧٠	سلیمانیه بدایت	محمد	امینه
٢٩ ٥٢٠	بهن	حاجی علی	قره محمد
٢٩ ٥٢١	»	علی واحد بک	قره محمد
٢٩ ٥١٩	»	توفیق افندی	قره محمد
٢٩ ٤٨٧	قیصریه	محمد افندی	حلیق افندی
٢٩ ٤٨٦	در سعادت استیناف	اسماعیل سیف الدین افندی	مظهر افندی
٢٩ ٢٨ ١٨٥ ٣٥٢٧	ایدین استیناف	نلسون واندریا	موسیو البر
٢٨ ٢٧٧٩	بغداد بدایت	یعقوب	حسین
٢٩ ٣٤٦	اطنه	محمود صبری افندی	صالح
٢٩ ٣٨١	اقشهر	احمد شریف	واسیلکی
٢٩ ٥٠٢	اونوس	مصطفی	حسین
٢٩ ٣٣٨	ازمیر تجارت	خاتم الایوف	ملا محمد
٢٩ ٣٦٢	ایکنجی	خرشیان حرانت افندی	کر قور ورثه س
٢٩ ٥١٧	اقشهر بدایت	ملا محمد	ملا مصطفی
٢٩ ٥٠٧	کلیس	علی چاوش	حاجی هاشم بک
٢٨ ٣٦١	بک اوغلی برنجی حقوق	شهراماتی	عبده
٢٩ ٣٨٥	قونیه استیناف	حسن اوسته	صدیقه
٢٩ ٢٢٥	معدن بدایت	پنایوط ورفقاسی	حاجی ابراهیم افندی

اوراق نومروسی	اسامی محاکم	ممیز	ممیز علیه	تاریخ قرار	نوع قرار
٢٩ ٥٣٤	تغی	ملا خلیل	حافظ محمد	نقض	٨٥٥
٢٩ ٥٣٥	بغداد	محمود	رستم	تصدیق	٨٧٥
٢٩ ٥٤٤	بدره	نقی	عبدالحسین	رد	٩٢٥
٢٩ ٥٥٢	طوتان	ولی بك	عمر	نقض	١٢٥
٢٩ ٣١٦	بافره	یورکی وصوه	کیراقو اغا	"	٩١٥
٢٩ ٥١٠	صوخه	استاطیوس	اریستیا سی افندی	"	٧٨٥
٢٩ ٥٢٢	بغداد	احمد	عبدالرزاق	تصدیق	١٨٥
٢٩ ٥٢٨	بتلیس	رجب	عبدالمجید	"	٧٧٥
٢٩ ٥٤١	تیره بولی	یانی	صوه	رد	٧٧٧
٢٨ ٥٩٩	گره صون	انستاس وخرملبو	بوردام	تصدیق ١ مایس سنه ٣٢٨	١٨٦
٢٨ ٤٨٨	ادرنه	کامل افندی	مهران	"	٢٠٩
٢٧ ٣٥٦١	موصل استیناف	مالیه خزینه سی	محمد بك	"	٢٠٩
٩٨ ٥٠٣	بولو ادین بدایت	زراعت باقه سی	عتیکه قادین	نقض ٢ مایس سنه منه	٧٣٩
٢٧ ٣٧٩١	بیغا بدایت	ابراهیم بك	صادق	"	٧١٥
٢٨ ٣٢٨	بغداد	حسفی ابراهیم	محمود	تصدیق	٧١٥
٢٨ ٤٦٩	رازلق	رستم افندی	حفظی افندی	نقض	٧١٥
٢٨ ٤٢٢	ایلبصان	عبداه بك	عمر اغا	تصدیق ٣ منه	١٢٧
				مابعدی وار -	٥٨٢

قانون غیر منقوله

اموال غیر منقوله قانونی

بالاشتراك تصرف اولان اموال غیر منقوله نك تقسیمی حقنده قانون موقتہ دائر

(کچن نسخه دن مابعد)

الحاصل قسمتده مبادلہ معناسی بولنوب بو اعتبار ایله قسمت ، بیع کبی اولدینی جهتلہ صغیرک مالی صاتمغه مقتدر اولان وصی وولی صغیرک حصه سی افراز صورتیله اقسامه دخی مقتدر اولور .

بناء علیه ورثه میاننده صغیر وکیر بولنوبده وصی الصغیر کیر ایله بالاقسام کیر ، کندی حصه سی آلدینی کبی وصی دخی حصه صغیری قبض وامساک ایتسه جائز اولور . حتی حصه صغیر ، ید وصیده تلف اولسه وصی مرقوم کیره مراجعت ایدمه من . یعنی صغیره عائد حصه تلف اوله رق صغیر انتفاع ایدمه مدیکی بیانیله ید کیرده بولنان حصه دن صغیر ایچون مجدداً حصه افرازی طلب ایله من . اما صغیرک مالی صاتمغه مقتدر اولیان ام ، اخ ، عم ، صغیره نك زوجی کبی کیمسه لر ، صغیر و صغیره یه وصی اولدقلری تقسیم ایتلمی صحیح اولماز . واکر بونارک ولیسی ویا وصیسی یوق ایسه حاکم الشرعک امرینه موقوف اولور . و حاکم الشرع طرفندن بروسی نصب اولنه رق آنک معرفتیله تقسیم اولنور . فقط حاکمک صغیره وصیسی تعیین ایدمه بیلمیسی اول صغیر ، حاکمک تحت ولایتده بولنان وحکم وقضاسی نافذ اولان یرلرده مقیم اولمیسی شرطدر . اما دیگر بر قضاده اقامت ایدن صغیره اول حاکم وصی تعیین ایدمه من .

قسمت قضا ، مقسوم له اولنلردن یعنی ملک مشترک صاحب لردن بعضیسنک طلبی اوزرینه قاضینک جبراً و حکماً تقسیمیدر .

مثلاً حصه داران بش کشی اولوبده یالکیز بریسنک یاخود ایکیسنک یاخود اوچنک یا دردینک طلبی و دیگر لرینک امتناعی اوزرینه طالب اولان حاکمه بالمراجعه حاکمک حکماً تقسیم ایلمسه تقسیم قضا اطلاق اولنور . تقسیم ، حقیقه قضا وحکم اولماغله بالذات تقسیمیه مباشرت ایتک حاکم اوزرینه لازم دکدر . بناء علیه حاکم دیلر سه بالذات تقسیم ایلر . و دیلر سه امر تقسیمک ایفاسنی بر قسامه حواله ایلر . فقط تقسیمدن امتناع ایدنی تقسیم اوزرینه جبر ایتک حاکم اوزرینه لازم کلور . زیرا حاکم اولیان کیمسه جیره مقتدر اوله ماز . بوماده ده « محجور بولنور ایسه » دینلیور . بونده کی محجور دن مقصود سفیه محجور اوله جقدر . فقط مجله نك ٩٩٠ ماده سی موجب جبه سفیهک ولیسی آنجق حاکمدر . آنک اوزرینه اب وجدینک و وصیلرینک

حق و ولایتی یوقدر. یعنی سفیه محجورک تصرفات قولیه سنه اجازت و یرمک لازم کلدکده حاکم یا خود حاکمک نصب و مأذون ایتدیکی کمنه مجیز اولور. بوماده نك «وصی و یا ولیلری» عبارده سیله سفیه محجورک دخی و لیسسی یا وصیسی اوله جنی و تصرفی صحیح بولنه جغنی افهام ایدیور. بواعبارایله بوماده نك اصلاحی لازم کلور. شرکا بیننده صغیر و یتیم کبی قاصرین بولنور ایسه وصی یا ولیلری آنلرک نامنه تقسیمک اجراسنی طلب ایده بیلجکلری کبی دیگر شرکایه قارشو تقسیم ایله دخی مطالب اولورلر.

سؤال : بوماده ده کی قابل قسمت بالطبع برنجی ماده ده بیان اولنان معناده در.

رضاء تقسیم املاک صرفه ده اولور ایسه قابل قسمت اولسه بیلجکلر شرکا تقسیم ایده بیلور. مشارکدرن برینه یا جمله سنه افراز ایدیلان حصه دن قبل القسمه اولان نفع ایله انتفاع ممکن اولسه بیلجکلر بوقسمتک جوازنده اشتباه یوقدر. مشارکدرک کندی نفسلرینه و ماللرینه ولایتلری اولمغه تقسیم واقع صحیح اوله رق دفترخاقان مأموری یا محکم بوقسمتک ابطالی جهته کیده مر. فقط بونوع املاک صرفه ده قسمت قضاجاری اولماز. مثلاً بر دکرمن حکم حاکمه تقسیم اولنه ماز. چونکه تقسیم اولنسه دکرمن اوله رق استعمال اولنه ماز. بوجهته منفعت مقصوده فوت اولور. بناء علیه مشارکدرک بعضیسنک طلبی اوزرینه حاکم حکماً تقسیم ایده مر ایسه ده بالتراضی تقسیم اولنور.

بوجهله تقسیمده اومالک منافعی فوت اولوب غیرقابل انتفاع حاله کله جکی درکار ایسه ده مال صاحب لرینک کندی ماللرینی بیهوده یره اتلاف ایتلری ممکن و بوکا بشقه جهتن مداخله ایتک حق مسلوب اولدیغه کوره اتلاف منافعه اقتدارلری آشکاردر. نته کیم ایکی کیمسه بیننده مشترک بر پالطو ایکی قسمه قضاء تقسیم اولنه ماز ایسه ده مشارکدر ایکی پارچه یه آیروب اقسام ایتسهر منع اولنه ماز.

مع ذلك بوکبی ایکی طرفه ده تقسیمی مضر و منفعت مقصوده یی مفوت اولان املاک صرفه نك تقسیمنده شرکا ایچون جهت اخرا دن طولانی موجب نفع وفائده اوله بیلور. شویله که ایکی کیمسه بیننده مناصفه مشترک اولان بر عرصه تقسیم اولندقدده هیچ بریسی اوراده خانه انشا ایده جک مقداره مالک اولیه جق و بناء علیه ایکی طرفه ده بواعبار ایله مضر اوله جق ایسه ده هر حصه دارک بو عرصه نك ایکی طرفه ده خانه یا عرصه لری بولنوبده آکا علاوه ایتک ایستسهر بوقسیمدن منفع اوله جکلری بدیهدر.

خلاصه ، قابل قسمت اولیان ملکارک رضاء تقسیمی جائز و محکمه نك یا دفتر خاقانی مأمورینک حق ممانعتی اولمدیغی امر بدیهی بولندیغی جهته بوماده نك اصلاحی لازم کلور.

رضاء تقسیم اراضی امیرییه و موقوفه ایله مستغلات و قفیه ده اولور ایسه بوقانونک برنجی ماده سنده بیان اولنسان معناجه بونلرک قابل قسمت اولسی شرطدر. زیرا بونلرک تقسیمنده یا لکنز مشارکدرک حق نظر اعتباره آلمیوب بونلرک تقسیمی صحیح اولمق ایچون میرییه یا وقفه مضر اولماق لازمدر. میرییه یا وقفه تقسیمی مضر اولور ایسه شرکا، بونک تقسیمنده متفق اولسهر بیلجکلر ینه تقسیم جائز دکلددر.

ماده : ۴

[بالرضا قسمته شرکا برنجی ماده ده مندرج شرائطه توفیقاً طوعریدن طوعرییه و مناسب کوره جکلری صورتده تقسیمی اجرا ایده بیلجکلری کبی دفتر خاقانی مأمورینه برنجی صورتده کیفیت تقسیمی متضمن اول محکامک بولندیغی محله یا قریه نك مختاریله هیئت اختیاریه سندن ایکی کیمسه طرفندن علم و خبر و ممکن اولان محالدرده برده خریطه کتوریلور.

ودفتر خاقانی مأموریتجه کیفیت شرکایه تقریر و تصدیق ایتدیرلکدن صکره صورت تقسیمه کوره هر برینک مستقلاً تصرفی ایچون ناملرینه سند اعما اولنور. ایکنجی صورتده مأمور طرفندن ممکن اولان یرلرده دفتر خاقانی و یا بلدی مهندسی استصحاب ایله محله عزیت اولنور. شرکا و هیئت اختیاریه حاضر ایکن بالتدقیق قابل تقسیم اولدیغی تین ایدرسه ماده آتییه موجبجه معامله اولنور [صدد ماده دخی دلالت ایتدیکی اوزره بوماده ده موضوع بحث اولان بالرضا تقسیمدرکه ایکی وجهله اولور.

۱- محکم نك یا دفتر خاقانی مأمورینک انضمام مساوتی اولقسزین شرکا، دیلجکلری وجهله تقسیم ایده بیلورلر. بوجهله قسمته حصه لک ذراع ، مساحه ، قیمتجه مساوی اولسی جائز اولدیغی کبی متفاوت اولسی دخی جائز اولوب رضالری حاصل اولنجه حصه لک تفاوتی بطلان قسمتی ایجاب ایتز.

بوققرده « برنجی ماده ده مندرج شرائطه توفیقاً » دینیلور. بوشرط دخی مال مشترک قابل قسمت اولسندن عبارتدر. برنجی ماده ده شرط اولمغه صالح بوندن بشقه برشی یوقدر.

ماده آتفه شرحنده ایضاح اولندیغی اوزره تقسیم رضاده قابل قسمت اولمق شرطی اراضی امیرییه و موقوفه ایله مستغلات و قفیه ده آرائق لابد ایسه ده املاک صرفه ده بو شرطک قوشولسی شرعه و عدالته موافق دکلددر. شرکا، متفق اولمق شرطیله کندی ماللرنده دیلجکلری کبی تصرف ایده بیلورلر. بو تصرف کرک نافع و کرک مضر اولسون مساویدر. نته کیم محله نك ۱۶۰۹ ماده سنده برملکده مستقلاً صاحبی اولان کیمسه نصلکه کیف مایشاء تصرف ایدرسه ملک مشترکده دخی صاحب لری بالاتفاق اولوجهله تصرف ایدرلر دیه مصرحدر. دفتر خاقانی مأمورلری یا محکم طرفندن بوقسیم مضرر دیه مداخله اولنه میه جنی کبی بالاتفاق تقسیمی اجرا و اکمال ایتدکدن صکره بعض شرکا بوقسمتک فسخ و ابطالنه تصدی ایتسه قبول اولنماز.

بوققرده وجهله بالرضا واقع اولان قسمتک دفتر خاقانی اداره لرجه تصدیق و تسجیل ایدلسی اقتضا ایدر. زیرا بوقسمت اراضی امیرییه اولور ایسه مبادله یی متضمن اولوب مبادله اراضی ده ایسه دفتر خاقانی مأمورینک انضمام رأی واذنی شرط اولوب والا قسمت تمام اولماز.

بناء علیه شرکا متقاسمین دفتر خانی اداره سنه بالمراجعه تصدیق و تسجیل ایتدیرمک صورتیله انضمام اذنی واقع اولسادن شرکادن هریری بوقسمتدن رجوع ایده بیلورلر. بوقسمتک اجرای احکامنه شرکادن هیچ

بررسی مجبور ایدیه من. ولو که هر کس ایچون مستقل حصه افراز اولمش و برمدت مستقلاً تصرف ایتش بولسون. اما نسجیل صورتیه دفتر خاقانی مأمورینک انضمام رأی حاصل اولدقه بوقسمت تمام و بوندن صکره شرکادن هیچ برسی رجوع ایده من.

وبوقسمت، مستغلات و وقفیه اولور ایسه کذلک دفتر خاقانی مأمورینک قائم مقام متولی صفتیه انضمام اذنی لابد اولوب والا قسمت واقعه تمام اولمایا جغندن قبل الاذن شرکادن هربری بوقسمتدن رجوع ایده بیلور ایسه ده اذنک انضمامندن صکره آرتق بوقسمتدن بعض شرکار رجوع ایده من. تقسیم رضا، کرک اراضی امیرییه صرفه ده و کرک اراضی امیرییه موقوفه ده و کرک مسقفات و مستغلات و وقفیه ده اولسون دفتر خاقانی مأمورینک اذنی منضم اولمدن تمام اولیه جغنی بیان اولمشیدی. بوجهت ایکی صورته اثبات اولنور.

برنجیسی، اموال غیر منقوله نك تصرفی حقنده کی قانونک برنجی ماده سند اراضی امیرییه و موقوفه نك تصرفه دائر بالجمله معاملات منحصر آ دفتر خاقانی اداره لرنده اجرا و متصرفلرینه سند خاقانی اعطا اولنه جغنی و بوحکم هر درلو اوقاف مضبوط و ملحقه و مستثنایه مربوط مسقفات و مستغلاتده دخی جاری اوله جغنی و ایکنجی ماده سند مسقفات و مستغلات و وقفیه عائد بالجمله معاملاتده متولی حاضر اولدینی تقدیرده دفتر خاقانی مدیر و مأمور و کاتبلری قائم مقام متولی صفتی حائز اوله رق طوغریدن طوغرییه ایفای معامله یه مأذون بولندینی مصرح اولوب « بالجمله معاملات » تعبیرده تقسیم دخی داخل اوله جغنی درکاردر. ایکنجیسی بوماده قانونیه ده و دفتر خاقانی مأموریتجه کیفیت شرکایه تقریر .. صورت تقسیمه کوره هر برینک .. دیه محرر بولنسیدر.

فقط دفتر خاقانی مأموری حضورنده تقریرک اعطاسیله برابر اونکده صورت تقسیمه اذن و رخصت و بررسی کافی اولوب مجرد هنوز سند خاقانیسی و برلامش اولسی تقسیمک عدم تمامیتی اقتضا ایلز. زیرا سند خاقانی اذن مأمورک انضمامنه وثیقه رسمیه اولوب بو اذنک وجودی اوراق تقسیمده مأمورک تصدیق بولنسی دخی وثیقه رسمیه اولدیغنه شبهه یوقدر.

وبوقسمت رضا، املاک صرفه ده بونک تمامیتی ایچون دفتر خاقانی مأمورینک انضمام اذنی شرط اولوب مجله نك ۱۱۵۶ و ۱۱۵۷ و ۱۱۵۸ ماده لرنده بیان اولدینی اوزره قرعه لر کاملاً چکلدکده قسمت تمام و لازم اولوب بوجه مشروح قسمت تمام اولندقدن صکره آرتق آندن رجوع اولنه میه جغنی کی انشای قسمته مثلاً قرعه لرک چوغی چیقوبده یا لکز ایکی قالمش اولدینی تقدیرده قسمت رضاده حصه دارلردن برینک حق رجوعی اولور. بورجوعدن صکره آرتق قسمته دوام اولنه میوب قضاء و حکماً تقسیم ایدلک لازم کلور. واقعا اموال غیر منقوله نك تصرفی حقنده کی قانونک برنجی ماده سند « بوحکم - بالجمله معاملاتک دفتر خاقانی اداره لرنده اجرایی - هر درلو املاکده جاریدر » دیه مصرح اولدیغنه کوره املاک صرفه نك رضا تقسیمنده دخی دفتر خاقانی مأمورینک اذنی انضمامی لابد و بلا اذن واقع اولان قسمت غیر تامه اولدینی

خاطره کلور ایسه ده مجله نك ۱۰۶۹ ماده سندن منضم اوله جغنی اوزره ملک مشترک صاحب لرینک کیف مایشاء حق تصرفلری ثابت و بوحق تقييد و قصرینه امکان مفقود اولدیغنه منی بلا اذن دخی قسمتک تمامیتی بدیهی و آشکاردر.

فقط قبل القسمه ملک عقار، مشترکاً و شایعاً تصرف ایدلکده اولدیغنه دائر قید خاقانی و سند رسمی تصرف موجود اولدیغندن احد شرکا، مؤخرأ تقسیم رضا ایله تقسیم ایدلشدر دیه ادعا و دیگرلری انکار مدعا ایتدکده اقامه شهودایله اثبات مدعا اولنه جغنی اولسه بوشهود قید رسمینک ابطالنه مؤدی و قید رسمییه قارشو اوله جغندن شائبه کذبدن طولانی بعض محاکمه بوشهادت بلکه قبول اولنه ماز. ایشته بومقصده منی املاک صرفه نك رضا تقسیم دخی دفتر خاقانی اداره لرنده تسجیل ایله توثیق ایدلنسی قانون امر ایدیور. بوصورته خصم اجرای قسمت اولدیغنی اقرار ایدرسه اقرار ایله الزام اولنه جغنی کی انکار ایدلکی تقدیرده بالطلب یمین تکلیف ایدلک اقتضا ایدر. یوقسه بوکی املاک صرفه ده اجرای قسمت اولمش ایسه ده دفتر خاقانی اداره لرجه تسجیل ایدلکی جهته تقسیم صحیح دکلدر ادعای شایان التفات دکلدر.

۲ - شرکا برای قسمت دفتر خاقانی مأمورینه بالمراجعه آکا تقسیم ایتدیره بیلورلر. یعنی بوده قسمت رضا قیلندندر. بوجهته بویولده کی قسمته دخی جمله شرکانک رضالری شرطدر.

بوقانون حکمنجه قسمت رضا اوله، شرکا طرفندن اجرا اولوب دفتر خاقانی مأمورندن استمداد اولناز. ثانیاً، جمله شرکا رضالیه دفتر خاقانی مأمورینه تقسیم ایتدیرلر. تقسیم رضانک بالجمله انواعی برنجی ماده شرحنده بیان ایدلشیدی.

نوع اول قسمت رضاده مال غیر منقولک بولندینی محله یا قریه نك مختارلریله هیئت اختیاریه سندن ایکی کیسه طرفندن صورت قسمتی مبین علم و خبر دفتر خاقانی اداره سنه کتوریه جکی کی خریطه تنظیمه مقتدر کمنه او محله یا قریه ده بولندینی تقدیرده برده خریطه کتورملک لازم کلور.

مجرد بوعلم و خبر و خریطه اوزرینه وقوع قسمت تسجیل اولنه میوب جمله شرکا، با وکیل رسمیلری دفتر خاقانی مأمورینه بالمراجعه کیفیت تقسیم شفاهاً تقریر ایدرلر. وبوتقریری دخی دفتر خاقانی مأموری ضبط ایدرک کنیدلرینه امضا و تصدیق ایتدیرر. بوتقریر و دفتر خاقانی مأمورینک حقوق اذن ایله تقسیم تمام اولور.

فقط بعض شرکا تقریردن امتناع ایدرسه اراضی امیرییه و موقوفه ایله مستغلات و وقفیه ده تقسیم واقعک حکمی اولوب طالب قسمت اولنلرک محکمه میه مراجعت ایتلری اقتضا ایدر. و محکمه نك دخی مجدداً تقسیم ایتسی لازم کلور. و تقسیم واقع املاک صرفه ده اولور ایسه محکمه میه بالمراجعه رضا تقسیم اولدیغنی اثبات اولنق لازمدر.

نوع ثانی قسمت رضاده دفتر خانانی مأمورلری مهندس ایله - مهندس وار ایسه - عقارک بولندینی

مجلس عزیمت ایدہ رک ہیئت اختیاریہ اعضاسیہ مجلس شرکا حاضر ایکن تقسیم ایدر. شرکا، صاحب حق و طالب قسمت اولیٰ جہتہ بولرک حضورلری شرط اولدیغندن ولوکہ بریسی غائب اولوبده طرفندن وکیل دخی بولنسه تقسیم صحیح اولماز.

هیئت اختیاریہ اعضاسنک حضورندن مقصد، قسمتک توثیق ولدی الحاحه وقوع قسمتک اثباتی اولدیغندن محل قسمتده هیئت اختیاریہ نک غیری کسان بولنسه کافی اولدینی کبی هیچ برکیمسه بولنیوبده اجرای قسمت اولدینی اقرار شفاهی یا کتابی ایله ثابت اولورسه ینہ قسمت تمام اولور.

قسمت رضانک بالاده مذکور ایکی نوعی دخی دفتر خاقانی مأموری حضورنده شرکانک تقریر و تراضیلرله تمام اولوب هر حصه دارک نامنه سند خافانیک اعطاسی، کیفیت تقسیم و تراضیلرینی مبین وثیقہ رسمیه نک اللرنده بولنسی مقصدینه مستنددر.

بناء علیه هر بر حصه دارک مستقلاً تصرفی ایچون هنوز سند ویرلماستندن طولانی شرکا بوقسمندن رجوع ایدہ منزلر.

ماده ۵

[اراضی و عرصه لک تقسیمنده اولادونم و ذراع اعتباریله مساحه اولنهرق و حسبالموقع شرفی و اوصاف سائردهسی وقوه انباتیهجه درجهسی نظر اعتباره آلنهرق هر حصه ممکن اولدینی حالده حق طریق و شرب و مسیلی ایله یکدیگرینه تعلق قالماق و قیمتلری بربرینه معادل اولمق و هر شخصه اصابت ایدن حصه لک ممکن مرتبه برلشدیرلک اوزره تفریق ایدیلور.

حصه لک قیمتی موافقتلری حالنده شرکا طرفندن و موافقت ایتدکلری صورتده رسماً دفتر خاقانی مأموری جانبندن تعیین ایدیله جک اهل خبره معرفتیه تقدیر اولنور.

ثانیاً، افراز اولنان پارچه لردن بری یا بر قاجی قابلیت موقعیه کوره قیمتجه دیگرلرینه معادل اوله مدینی صورتده نقداً تعدیل اولنور.

ثالثاً، بو بابده بر ضبطنامه و ممکن اولدینی حالده برده خریطه تنظیم ایدیلور. رابعاً، افراز اولنان حصه لک بالجله شرکا بیتده قرعه کشیده سیله تخصیص و بو جهتلر دخی درج اولنهرق ضبطنامه شرکایه امضا و یا تختم ایتدیریلوب هیئت موجوده طرفندن تصدیق اولنور.

تقسیم اولنهرق محلا لک تعددی و مجلس شرکانک موافقتی حالنده قسمت جمع صورتیه لده معامله تقسیمیه اجرا ایدیله بیلور.

مسققاتک تقسیمنده فقرات سابقه ایله مجلسه نک بیک یوز الی برنجی ماده حکمنه توفیق معامله اولنور. [اموال غیر متقولهدن اولان اراضی و عرصه ذریعاتدن اولدینی جهتلہ ذراع ایله مساحه ایدلمیدر.

زیرا مساحه نک مقداری ذراع ایله معلوم اوله بیلور. بوندن بشقه اراضی و عرصه نک مالیاتی تقویم ایله اوله جغندن اراضی و عرصه نک تقویم ایدلسی دخی لازم کلور.

متن ماده ده «دوئم» تعبیری اراضی به معطوف اولدینی کبی «ذراع» عبارته می دخی عرصه به معطوف بولنشددر. دوئم دخی ذراعک بیوک مقیاسی اولوب بناء علیه دوئم ایله تقسیم ذراع ایله تقسیم بولنشددر. بو صورتده جسم اراضی، دوئم ایله دکل، ذراع ایله تقسیم ایدلسه بوقسیمک دخی صحیح و معتبر اوله جغه اشتباه اولنهماز.

مشترک اراضی و عرصه ده احد شرکا، کندی نفسی ایچون بنا یا پیش اولدینی تقدیرده بو بنا مشترک اولیه جغندن داخل قسمت اولنهماز. بو صورتده یالکزر اراضی و عرصه تقسیم ایدیلور. نتیجه قسمتده بنا، بانی بولنان شریکه اصابت ایدرسه فها. دیگر طرفه اصابت ایدرسه بو بنا، اتفاق شرکا ایله عرصه سی کندیسنه اصابت ایدن طرفه بیغ اولنور. یاخود ینہ اتفاق شرکا ایله عرصه لک مبادله ایدیلور. بوکا اتفاق حاصل اولماز ایسه بنانک قلع و رفعی عرصه به مضر دکلسه قلع و رفع اولنور. مضر اولور ایسه عرصه صاحبی بنانک مستحق القلع اولهرق قیمتی اعطا ایدہ رک تملک ایدہ بیلور. یاخود قلع ایتدیروب عرصه به ترتب ایدن نقصان قیمتی بنا صاحبه تضمین ایتدیرر.

بنا حقنده بالاده بیان اولنان احکام، اشجار حقنده دخی جاری اولور.

مشترک اراضی و عرصه ده کی شرکانک حصه لرینه کوره اقیامک تعادل و تساویسی لازم کلور. بوتعادل، یالکزر مساحه اعتباریله اولمق کافی اولیوب قیمت دخی نظر اعتباره آلنمق اقتضا ایدر.

بناء علیه یوز دوئمندن عبارت اولوب ایکی کیمسه یننده مناصفه مشترک اولان هر جهتی شرف و اعتبارجه وقوه انباتیهجه و قیمتجه مساوی اولدینی تقدیرده مناصفه تقسیم ایله هر شریکه الیشر دوئم اعطا اولنهرق کبی خصوصیات مذکوره ده متفاوت اولدینی صورتده شرکان برینه دیگرندن فضله یر ویرلک صورتیه قیمتجه تعادل حاصل ایتک لازم کلور.

قیمتجه معادلت شرطی تقسیم قضاده یعنی حاکم حکماً تقسیمنده لابد ایسه ده تقسیم رضاده بو شرطک وجودی مقتضی دکلددر.

بناء علیه تقسیم، شرکانک حصه لرینه کوره اولدیده یعنی شرف و اعتبار و وقوه انباتیه و قیمتجه معادلت بولندقدده بو قسمت رضا اولسون قضا اولسون صحیح و نافذ ولازم ایسه ده قسمت قضاده برینه دیگرندن زیاده ویرلک صحیح دکلددر. قسمت رضایه کلنجه بونده مشارک لردن برینه دیگرندن زیاده حصه ویرلک صحیح دکلددر.

بناء علیه قسمتده غبن فاحش اولدینی تبین ایدرسه فسخ اولنهرق تکرار قسمت عادلہ ایله تقسیم اولنمق

لازم کاور. یعنی قسمتک عادلانه اولسی و حصه لشرکانک استحقاقلرینه کوره تعدیل اولنهرق بریسنده نقصان فاحش بولنامسی لازم کله جکندن قسمتده غبن فاحش دعواسی استماع اولنور.

مقسوم حین قسمتده مشارک لک ملک اولق و مشارک لک آکا متصرف بولملری شرطدر.

بناء علیه عرصه نك بر مقداری طریق عامه عائد بولنور ایسه بو مقدار عرصه تقسیمدن خارج براغلق لازم کلور. زیرا بومقدارک کالاول طریق عامه اعاده ایدلمسی لازم کلدیکندن بونک تقسیم ایدلمسی ممکن اولماز. ماده قانونیه ده « و حسب الموقع شرفی و اوصاف سائرهمی و قوه انباتیه جه درجه سی » دینلدکنصکره « و قیمت لری بر برینه معادل اولق » دینلیور. قیمت لک بر برینه معادل اولق اوزره افراز اولندقدده شرفی و اوصاف سائرهمی و قوه انباتیه جه درجه سی دخی نظر اعتباره آلمش اولور. بناء علیه قیمت لری نك معادل اولسی شرطی دیگر لرندن مفنی بولنشدر.

هر حصه ممکن ایسه طریق و حق شرب و حق مسیلی ایله افراز ایدیلرک بر حصه نك دیگر حصه ده مثلا حق طریق بر اقامق مناسبدر. زیرا قسمت استکمال منفعت ایچون اولوب بوايه بوجه مشروح تقسیم اولنق ایله حاصل اولور. چونکه بوجه مشروح افراز ایدیلنجه بعض حصه دیگر بعض حصه ایله مخلوط و آکا معلق قاله رق من وجه انفصال و افراز حاصل اولماز. بالاده اشارت ازلندینی اوزره حقوق مذکوره ایله افراز ایدلمسی شرط اولویت اولوب یوقسه شرط صحت دکلد.

بناء علیه بوجه مشروح مثلا حق طریق ایله هر حصه نك افرازی ممکن ایکن برینک مثلا حق طریق دیگر حصه ده بر اقلسه جائز اولوب بونکله قسمتک ابطالی جهته کیدیه من. بوضورتده حین قسمتده بر حصه نك دیگر حصه ده طریق یا خود مسیلی شرط ایدیلور ایسه بشقه طرفه تحویلی ممکن اولسه دخی اول شرطه رعایت ایدلمک لازم کلور. یعنی مذکور طریق و مسیل مشروط لیهک حصه شریکده حق اولور. زیرا بقدر الامکان شرطه مراعات ایدلمک اقتضا ایدر.

نته کیم حصه دارانک جمله سی ایچون یالکنز بر طریق افراز اولنوب مذکور طریق جمله شرکا بیننده مشترک بر اقلسه بوده جائز اولور.

قانونده کی « ممکن مرتبه » عباره سندن آکلاشیله جنی اوزره بوضورتله یکدیگره تعلق قالمق اوزره افراز ممکن اولدینی یعنی برینک مثلا حق مسیلی دیگرک حصه سندن بر اقلهمی ضروری اولدینی تقدیرده اوله یایلمق اقتضا ایدر.

بو صورتده ایکی کیمسه بیننده مشترک بولن اموال غیر منقوله یی بونلر اقسام ایتدکن صکره حصه دارانن برینک حصه سنک طریق اولدینی تین ایتدکده باقیلور. اگر بو حصه دار کندیسنه اصابت ایدن حصه ده طریق کشاد ایتکه مقتدر ایسه تقسیم واقع جائز و معتبر اولور. زیرا بوضورتده تقسیم تقویت منفعتی مستلزم اولماز. و اگر کندی حصه سندن طریق کشادینه امکان یوق ایسه نظر اولنور. حصه سندن

طریقک بولندیغنی بیلور ایدیسسه قسمت مذکوره جائز اولور. زیرا بو تقسیمه کندیسی راضی اولمش و حصه سنی طریق سن اولق عیله قبول ایشدر. فقط مذهب مالکیه کوره بوضورتده دخی قسمت فاسد اولور. امام خرستی دیور که یعنی ان القوم اذا قسموا دارا اوساحته اوسفلا اوعلوا بینهم بشرط ان لا يخرج لاحدهم علی الاخر فانه لا یجوز قسمهم هذا سواء كانت بالقرعة او بغیرها لان هذا یس من قسم المسلمین اتهمی. و حصه سنک طریق بولندیغنی بیلور ایدیسسه قسمت مذکوره فاسد اولور.

طریقک مقداری مقسومک نوعه کور مختلف اولور. شویله که خانه نك تقسیمنده بر آدم و اراضی تقسیمنده براوکوز و قوری تقسیمنده اودون یوکی و حیوان ایله کچلمک ممکن اولان طریقدر. یوقسه خانه تقسیمنده اودون یوکی و اراضی تقسیمنده ایکی اوکوز یان یانه کچمکه مساعد طریق دکلد. هر تقدیر بوکا احتیاج بولنسه بیله بوقدر وسعت نظر اعتباره آلمقده مجبوریت یوقدر. زیرا بوقدر وسعت و مطلق الاحتیاج نظر اعتباره آلمق لازم کله عربیه کچمکه مساعد طریق دخی احتیاج حاصل اولوب اولوجهله احتیاج لر غیر منتهای اولور. اما آدم کچمه جه قدر اولان محله طریق اطلاق اولنماز.

ماده ده « هر شخصه اصابت ایدن حصه لر ممکن مرتبه برلشدیرلک اوزره تفریق اولنور » دینلیور. بونتیجه استحصال ایدیه بیلیمک اوزره اموال غیر منقوله ده متفاوت حصه لر مالک حصه دارلر بولنور ایسه قاعده آتیه نك نظر اعتباره آلمسی لازم کلور. شویله که حصه لرک اقلی حقیقجه اکثریسی چقدش عد اولنق ممکن ایکن حصه لرک اکثری چقیمش اولسلیله اقلک چقیمش عد اولنسی ممکن اولنماز.

بناء علیه حصصک اقلی اوزرینه اجرای قسمت اولنسی لازم کلور. یعنی مشترک بر قطعه ارضک مثلا نصفی برینک و ثلثی دیگرینک و سدسی او برینک اولوبده اجرای قسمت ایدلمک لازم کله سهامک اک اقلی سدس اولنله حصه لر آلتی قسمه تقسیم اولنور.

بوضورتده قرعه کشیده اولننجه اسمی ابتدا چیقان سدس صاحبی اولنجه برنجی حصه یی اخذ ایدرک تمام حصه سنی آلمش اولور. اما اسمی ابتدا چیقان ثلث صاحبی اولور ایسه برنجی سهم قرعه ایله آلمسی لازم کله چکی کبی بوسهمه متصل اولق اوزره دیگر بر سهمک دخی بوکا اعطا ایدلمسی اقتضاید. بوضورتده تمام حق آلمش و ایکی سدس حصه سی برلشدیرلش اولو.

نته کیم ابتدا اسمی چیقان نصف حصه صاحبی اولور ایسه برنجی سهم ایله آکا متصل بولنن ایکنجی و اوچنجی سهم اعطا اولنوب بوضورتده تمام حق یکدیگره متصل اوله رق اخذ ایتش اوله جنی کبی بوندن صکره ثلث صاحبیه قرعه چقیمسه بو سدس حصه ایله آکا متصل دیگر حصه دخی آکا اعطا اولنوب بو وجهله جمله حصه لری یکدیگردن منفصل اولیوب بریره مجتمع اولمش اولور.

کذلک اوچ کشتی بیننده و بونک اون سهمی برینک و بش سهمی دیگرینک و بر سهمی دخی او برینک اولوبده اون سهم صاحبی جمله حصه لرینک متصل اولنسی ایستدیکی حالده بر سهم صاحبی آکا راضی اولنماز.

قرعه چکمک لازم کلسه اراضی اون آتی سهم اوزرینه تقسیم یعنی اون التي پارچه به افراز اولنور . و بعده قرعه چکیلور . ابتدا اسمی چیقان اون سهم صاحبی ایسه برنجی سهم آکا اعطا اولنه جنی کبی طقوز سهم دخی آکا متصل اوله رق مرقومه ویریلور . صکره آتی سهم بینده قرعه چکیلور . بو دفعه اسمی چیقان بش سهم صاحبی ایسه اون برنجی سهم ایله آکا متصل اوله رق درت سهم دها ویریلور . و آرتق متباق بر سهم دیگر حصه دارک اولور .

متن قانونده اراضی و عرصه تقسیمده اقسامک قیمتلی بربرینه معادل اولق لازم کله جکی ذکر اولنور . بو صورتده تقسیم اولنه جق عرصه و اراضی اوله مساحه ایدلمیدر . زیرا مقدار ، آنجق مساحه ایله معلوم اولور . ثانیاً ، اراضی و عرصه نک مالیتی تقویم ایله معلوم اوله جفندن اراضی و عرصه نک تقویم ایدلمی لازم کلور . چونکه مثلاً ایکی کیمسه بینده مناصقه مشترک اولان ایکیوز ارشون عرصه مجرد ذراغ ایدیلورک یوزر ارشون حصه لره تقریق ایدیلور . زیرا عرصه نک برجهتی طریق عام و دیگر جهتی چیقماز سوقاق یا بر طرفی شمس آباد و دیگر طرفی بر عکس اولق اسباب عیدده دن ناشی قیمتجه مساوی اوله میه جفندن قیمتسز اولان طرفه مثلاً یوزده یکر می ارشون اوله رق تقریق اقتضا ایدر . و بو وجهه قسمتک عادلانه اولسنی ایجاب ایدر .

فقط بوجه مشروح لزوم تعدیل قسمت تضاده شرط ایسه ده قسمت رضاده شرکادن برینه دیگر لرینک اذن و معلوماتلریله حصه سندن فضله یرویرلمک جائز اولور . قانونده حصه لرک ممکن مرتبه برلشدیرلمک تعبیری استعمال ایدلمسندن حصه لرک تقریق دخی جائز اولدینی آکلاشلما لیدر . شرکادن برینه عائد متعدد حصه نک تقریقندن اجتناب ایدلمک لازم کلور . زیرا تقریق مذکور دن حصه داره ضرر ترتب ایدر . نه کیم باجوری و یحتمل تقریق حصه واحد اذا کان المقوم عقاراً کالدور و نحوها دیمشدر .

حصه لرک صورت تقویمی : حصه لرک قیمتی تقدیر ایدلمک ایچون شرکا ، بالاتفاق اهل خبره انتخاب ایدرلر . و انتخابده اتفاق ایدمه مدکلری حالد اهل خبره دفتر خاقانی مأموری انتخاب ایدر . اهل خبره لاقول ایکی کشی اولق لازم کلور . زیرا تقویم قیمته شهادت اولدینندن مقومک تعدادی شرطدر . لکن تقویمده لفظ شهادت شرط دکلدور . زیرا تقویم ، مشاهد و محسوس اولان شیئه تعلق ایدیور .

قسمت ، اوچ نوعدر . ۱ — قسمت بالاجزادرکه بوکا قسمة المتشابهات اطلاق اولنور . زیرا بونده کی اجزاء ، قیمته و صورت متشابهدر . بوکا قسمة الافراز دخی اطلاق اولنور . مثلاً آنک تقسیمی کبی . بو نوع قسمیدن بوراده بحث یوقدر .

۲ — قسمت بالتعدیلدر . یعنی سهام و انصباک قیمت ایله تعدیلی صورتیه اولان تقسیمدر . ارضک

تقسیمی کبی . زیرا ارضک قوه انباتیه می و صوبه قربی کبی احوال سببیه قیمتلی مختلف اولور . و بو ارضک بر ثلثی متباق ایکی ثلثه مساوی اولور . بو جهته بو ارض مناصقه مشترک ایکن بر حصه داره بر ثلث و دیگرینه ایکی ثلث ویرلمک لازم کلور . فقط بو صورتده بو ارضک اعلاسی ایکی قسمة و ادناسی دخی ایکی قسمة تقسیم ایدلمی ممکن اولور ایسه بوجه مجرد تقسیم ایدلمی لازم کلور . یوقسه قیمت تعدیل ایله تقسیم ایدلمک جائز دکلدور . بالاده مذکور ایکی نوع قسمته جبر ایله یعنی حکماً تقسیم جائزدر .

۳ — قسمت بالرددر . مثلاً مشترک ارضک بر طرفه قریو و یا خود آغاج بولنوبده بولنرک تقسیمی ممکن اولما یجه بو قویو و آغاج هانکی حصه داره قاله جق اولور ایسه بولنرک قیمتلندن او بر حصه داره عائد اولان قسیمی آکا نقداً ویرلمک لازم کلور . بو قسمته جبر جائز دکلدور . یعنی حکماً تقسیم اولنه ماز . لان فیها تملیکاً لا شرکة فیها فکان کفیر المشترك . بو صورتده شرکا قیمته تعدیل اتفاق ایتزلر ایسه قویو و آغاج مشترک اوله رق ایضا اولنور .

ارضی و عرصه نک تقویمی اوچ صورتله اوله ییلور . ۱ — شرکا متفقاً تقدیر ایدرلر . بونک جوازنده اشتباه یوقدر . زیرا حق کندیلرینکدر . بونک جوازی ظاهر اولدینندن قانونده ذکره لزوم کور و نمانمشدر .

۲ — شرکا طرفندن بالاتفاق انتخاب اولنان اهل خبره تقدیر قیمت ایدر . بونده بالذات شرکانک تقدیرلری کبی معتبر اولدینی درکاردر . ۳ — دفتر خاقانی مأموری طرفندن انتخاب اولنان اهل خبره تقدیر قیمت ایدر . فقط دفتر خاقانی مأمورینک اهل خبره انتخاب ایتسنک جوازی برنجی و ایکنجی صورتله تقدیر قیمت ممکن اوله مامسینه مشروطدر .

بو ماده نک حکمی تقسیم رضاده در . تقسیم ، ماده آتیه وجهه قضاء اولور ایسه اهل خبره نک انتخابنده شرکا متفق اوله ماز ایسه حاکم انتخاب ایتیمی لازم کلور . یوقسه دفتر خاقانی مأموری بو تقسیمده اهل خبره یی انتخاب ایده مز .

دفتر خاقانی مأموری یا حاکم طرفندن انتخاب اولنان اهل خبره ره رد حاکمی یا رد شاهی مستلزم اسباب سردیه احد شرکانک اعتراضه حق واردر . بویه بر اعتراض درمیدن اولدینی تقدیرده تدقیق ایدیلورک وارد اولدینی تبیین ایدر ایسه دیگر اهل خبره انتخاب ایدلمک لازم کلور .

دفتر خاقانی مأمورلرینک مداخله لریله اولان تقسیم ، تقسیم رضا اولمغه بو رضانک قسمتک تمامنه قدر بقاسی شرطدر .

بناءً علیه قسمت تمام اولمدن مقدم احد شرکا تقسیم رضادن نکول ایدره ک عدم رضایی بیان ایتسه دفتر خاقانی مأمورینک تقسیمدن کفید ایلورک طالب قسمت اولان شریکه محکمه یه مراجعت ایتیمی لازم

کله جگنی اخطار ایتسی اقتضا ایدر . بو نکولدن صکره دفتر خاقانی مأموری قسمتی اکال ایتسه بوقسیم کأن لم یکندر . زیرا حکماً و جبراً تقسیم ، امور قضادن اولوب دفتر خاقانی مأمور لرلنده حاکمک صفتی یوقدر . نقود علاوه سیله تعدیل سهام : افراز اولان حصه اردن بعضی لرینک قیمتی دون اولوب دیگر حصه لره قیمتجه معادل اولدینی تقدیرده نقود علاوه سیله سهامک تعدیلی اقتضا ایدر . بناء علیه اراضی و عرصه نك تقسیمنده بر حصه نك قیمتی دیگر حصه یه نسبتله دهها زیاده اولدینی تقدیرده صور آتیه ایله تعدیلی لازم کلور .

۱ — ممکن ایشه یعنی متغدر دکلسه قیمتی آز اولان حصه یه عرصه و اراضیدن قیمتجه زیاده اولان حصه یه معادل و مساوی اوله جق قدر فضله یر ویریلور . و بو وجهله نقود علاوه اولمق سزین تقسیم اولمسی لازم کلور . زیرا حصه لر بیننده صورت و معنا معادلت واجددر صورت معادلت جمله شرکانک حصه مفروضه لری اراضی و عرصه اولمقندن عبارت اولدینی کبی معنا و معادلت دخی بو حصه لک قیمت لری متساوی بولمق سندن عبارت اولور .

بناء علیه مشترک بر قطعه اراضی ایکی قسمه تقسیم اولندقدده بر قسمده قیمتجه فضله یر قلوبده بر حصه دار ، بو فضله یه مقابل نقود علاوه سیله تعدیلنی و دیگری اراضیدن زیاده ایدمک صورتیله تعدیلنی طلب ایتدکلرلنده قسام اولان کیمسه عرصه دن علاوه ایدمک تعدیل ایتسی لازم کلور . یوقسه نقود علاوه سیله تعدیل جهته کیده مز . زیرا شرکت عرصه و اراضیده اولوب نقودده اولمق سندن و قسمت ایشه یالکتر ملک مشترک حقوقدن ایدو کندن رسماً مشترک و مختلف الجنس ماللرک قضاء و حکماً تقسیم ایدلمسی غیر جائز ایدو کندن هیچ اشتراک موجود اولمان مالده — نقودده — تقسیمک عدم جوازی بطریق الاولویه اولمغله مشترک اولمان نقودک قسمته ادخلی جائز اولماز .

نقود منضمه تر کندن اولدینی تقدیرده علاوه نقود جائز اولمق دینه علماً حقوق عالیه متفق اولوب فقط عقار مقسوم تر کندن اولدینی کبی نقود دخی تر کندن اولور ایشه بعض علما ، ینه نقودک علاوه سی جائز دکلدر دیشلردر که صحیح اولانده بوقولدر . زیرا بو تقسیم ، قسماً بطریق الفرد تقسیم اولوب بو اعتباریله قضاء و حکماً جائز ایشه ده قسماً بطریق الجمع تقسیم اولور که بواعتباریله حکماً جائز اوله ماز . دیگر بعض علما ، نقودک علاوه سیله قضاء جواز تقسیمه قائل اولمشدر .

— مابعدی وار —
محکمه تمیز رئیس اولی
علی صبر

سوم شرا سوم نظر

سوم شرا ایله سوم نظر بیننده یعنی مجله نك ۲۹۸ ماده سیله ۲۹۹ ماده سی آرده سنده ظاهرده بر فرق بولمق دینه کوره ایکی سیده نفس الامرده بر معامله اولدینی و بناء علیه آیری آیری ماده شکلنده یازلمسنده بر فائده بولمق دینه حالده بریسنده ضمان دیگرلنده عدم ضمان کبی احکام متضاده نك ترتیب ایدلمسک سببک وینلرلنده کبی فرقک ایضاح ایدلمسنی بعض اصحاب حقوق مکتوب ایله مراجعت ایتشلردر . بناء علیه فرقک ایضاحنه مسارعت اولنور :

سوم شراده بکنیلور ایشه آلق مقاوله سی بولمق لازم کلور . بو مقاوله لفظاً اولمسی شرطدر . بایعک و مشتری نك بیع یا شرا تلفظ لری واقع اولمدن قلباً و نیهً بیع و شرا قصد ایتلمی کافی دکلدر . چونکه احکام عمومیه افعاله ترتیب ایدر . یوقسه نیت ترتیب ایلر . کورلمز میک بر کیمسه دیگرک مالی غضب یا سرقت ایتک نیت ایتدیکی حالده بو نیتی فعلیات ایله میدانه چیقارمسه برشی لازم کلر . حتی اول کیمسه بویله بر نیتده بولمق دینه اقرار ایتسه بیله موآخذه اولنه ماز .

شرا مقاوله سی دخی ایکی وجهله اولور .

وجه اول ، حقیقه یا حکماً تسمیه ثمن ایله اولور .

وجه ثانی ، حقیقه یا حکماً تسمیه ثمن اولنیه رق اولور .

برکا دائر تفصیلات دررال حکام شرح مجله الاحکام نام اثر عاجزیده مفصلاً مذکور اولمقله بوراده بولنره دائر تفصیلاتدن صرف نظر اولمشدر .

سوم شراده تسمیه ثمن اولمش ایشه ضمان لازم کلدیکی حالده تسمیه ثمن اولنماش ایشه ضمان لازم کلر . سوم نظرده قولاً و لفظاً شرا مقاوله سی ، وجود دکلدر . واقعا سوم نظر طریقله آلا نك مقصدی اشترا ایتک ایشه ده بو مقصد قولاً اظهار ایدلماشدر . بو فرق کافی درجه ده اولدینی جهته دهها زیاده تفصیلاته لزوم یوقدر .

محکمه تمیز رئیس اولی
علی صبر

فرانسه ده ژوری اصولی

(کچن نسخه دن مابعد)

اکثریا ژوری رئیس اعلامری « حرفیاً » بیه او قویامدی ایچون اعضادن بری وکالة قرائت ایدر. خلاصه کلام ۱۸۷۲ قانونی اساس اعتباری ایله غایت مکمل اولوب کوریلن نقائص یالکیز صورت تطبیقنده در. ژورینک تربیه اخلاقیه سنی یالکیز لیستهلرک حین تنظیمنده نظر دفته آلمیوب اثنای محاکمه ده محکمه رئیس طرفدن دخی بوبابده تدقیقاتک اجرایی اقتضا ایدر. ژوری ایله حکام آره سنده اختلاف افکار حاصل اولورسه بونک حلی ایچون نه کبی تدابیره توسل ایدیله جک؟ محکمه رئیس ژوری هیئت اعضاسندن برینک ردی لزومی حس ایدرسه تطبیق جهته کیده بیه جکمی: ژوری وجدان واستقلالیت تامه داره سنده حکم ویرمک ایچون تحلیف ایدیلر، لکن بعدالتحلیف احتراصات شخصیه تبعاً حکم ویرمش اولدیغی دلائل ووثائق ایله ثابت اولورسه محکمه رئیس نه کبی برخط حرکت تعقیب ایده جک؟ مدعی عمومی ژورینک احوال وخصوصات شخصیه سی حقنده اجرای تحقیقات وظیفه سیاه مکلف ایکن برقاچ سنده بری بوندن ده اکثریا وجدانه مغایر حرکتدن او درجه متأثر اولیور. بو صورتله قضیه عدالتک ماهیته خلل کلیر ونتیجه ده منافع مشترکه عامه و حقوق عمومیه دخی متأثر اولوب قوه عدلیه افکار عمومیه ده کی رغبتدن بک چوق شی غائب ایدر.

اکثریا فقدان دلائل طولانیسیله مدعی عمومی حقیقی لایق وجهله استعمال ایده من. بعضاً ژورینک اجرا ایتدیکی تحقیقات و تدقیقاتدن مظلونک اثبات مجرمتی ایچون بر نتیجه حاصل اولمز. بوندن طولانی افکار عمومیه نیک ژوری وجدان سزلقله اتهامه حق یوقدر. فقط نتیجه قطعیه نیک عدم حصولی تدقیقات و تحقیقاتک یا کلش اساساته مبتنی اولمسندن انبعاث ایدرسه ژوری حق سزلقله و وجدان سزلقله اتهام ایدیله بیلیر، مع هذا بو اتهام کیفیتی اکثریا معناً و ماده غیر مسؤل اولان ژوری اوزرینه حائز تأثیر اولمز.

هیئت حاکمه ایله ژوری آره سنده کی مناسباتک طارلغی حسیله بعض کره مسئله نیک بسیط لشدیریلی و فعل جنایتک صورت و اسباب ایقاعی حقنده حاصل اولان اختلافک رفی مشکل اولور. بوندن ماعدا اسباب مخففه مسئله سی ده بک مهمدر. اکثریا قانوناً اوچ سنه یه محکوم اولمسی اقتضا ایدن بر متهمی بش سنه یه محکوم ایدیورلر. بوده خدمات شقه ویا قلعه بندلکده بش سنده دن اقل اولمسنه دائر قانونده مندرج صراحتک احساس ایتدیکی مجبوریتک بر نتیجه سی اولسه کر کدرکه هر حالده تصحیح و تعدیل اقتضاییدیور. فقط بزده قوه تشریعه ماکنه سی غایت باطی حرکت ایتدیکی ایچون بو کبی تعدیلاتک اجرایی قولای برشی دکلدر. پارلامنتونک مداخله سیله بو ایشک اوکنی آلمزسه جنایت قرارلرنده کورولن حق سزلقله بزده

بک مدعش اجتماعی فلاکتلر تولید ایده جک. وظیفه سنی تقدیر ایدن ژورینک انتخابی حال حاضرده بو فلاکتک اوکنی آله بیلیر.

موسیو بنژامک لاندووسکینک مطالعه سی

پارسک الک بنام آووقاتلرندن موسیو بنژامن لاندووسکی کندیسنه مراجعت ایدن تان غزته سی محررینه ژوری مسئله سی حقنده آتیده کی مطالعه یی سرد ایتشدر.

« ژوری مسئله سی ارباب وجدان وعدالتک اندیشه سی موجب اولیور. بوندن اول دخی بو مسئله

موضوع بحث اولوب بلاخره یه سوندی. اوزمان حاکمیت ملیه نیک جنبه و جزا ایشلرینه ده تشمیل و مداخله سی فکری ایلری سورولدی. بنجه بو تکلیف بک عبثدر. فرضاً « برائزه » قانونی موجب جنبه وظیفه ناشناس وزانیه اولان زوجه نیک الی فرائق جزای تقدییه دوچار اولمسی اقتضا ایدر. بو مسئله ده ژوری نه کبی بر رول اوینایه بیلیر؟

زمان نه قدر دیکشمش؟. بر وکیلک بلاغی بر معصومی دوچار مجازات ایتدیکی کبی بر جانی بنجه عدالتدن قورتارییور. بوندن طولانی هر کسک عدلیه یه نظر استحقار عطف ایتمه کی حق واردر. بن بو سقیم اصولی شمیدی یه قدر تنقیددن خالی قالمدم.

ژوری مسؤلیتدن عاری اولدیغی ایچون وجدانه مغایر اولان حرکتندن متأثر اولمز. حاکم دخی حسب المسلك دوشوندیکی و محاکمه ایتدیکی حسیله اکثریا احوال اجتماعیه ایله جنایته سببیت ویرن شیرلی نظر دفته آلمدن قرارینی تفهیم ایدر. بوندن طولانی جزا قرارلری کبی جنایت قرارلرنیک ده استینافاً رؤیت ایدیلسنده حقوق عمومیه نقطه نظرندن بیوک بر فائده کوروپورم. یالکیز تمیز محکمه سی کافی دکل، استیناف محکمه سی فعل جنایتی و اسبابی عریض و عمیق تدقیق ایدوب ژورینک ویردیکی قرارک نه کبی بر قناعته مبتنی اولدیغی تحقیقندن صکره فسخ ویا تصدیق ایلر.

بردیوارده یولسز بر اعلام یاپشدرین بر آدم بر کونلک حبس جزاسنه و یا خود اعظمی اوله رق بش فرائق جزای تقدییه محکوم اولیور. بو غایت اهمیتسز بروقه اولدیغندن حقوق عمومیه بوندن متأثر اولمز ایکن قانون او آدمه استیناف حقیقی بخش ایتشدر. حالبوکه جنایتله متهم اولوب اعدامه محکوم اولان بر آدم استیناف محکمه سنه مراجعت حقنده محروم قلینور. انکیزلر بو حقیقی ادراک ایدرک خطانک تعمیری جهته کیتدیلر. درجه ثانیه ده بر ژورینک ترتیب وتشکیلی بر لزوم مبرمدر.

موسیو تورنادک مطالعه سی

اسبق « سن » جنایت محکمه سی رئیس موسیو « تورناد » کندیسنه مراجعت ایدن « تان » غزته سی محررینه ژوری مسئله سی حقنده بیانات آتیه یی سرد ایتشدر. « دابار » وقعه سی افکار عمومیه ده شدتلی

بر هیجان حاصل ایشدرد. بن بر حاکم صفیله ژوری مسئله سنی احکام قانونیه دائره سنده و بناءً علیه احتیاطله تدقیق ایتک ایسترم. « دبار » وقعه سندن اول دخی ژوری مسئله سی موضوع بحث اولوب جنایت محکمه سی ویردیکی قرارلرندن طولانی دائماً مطبوعاتک تنقیدینه هدف اولمشدی. بزم عادات و اخلاق نقطه نظرندن ژوری اصولنک لغوی بر فلاکت اوله جقدر. عدالتک انکشافی ایچون ژوری اصولی هر یرده مقبولدر. بزده حال حاضرده ژوری اصولی مرعی الاجرا اولمزه ایدی شمدی وضعنه مجبور اوله جقدر. حکامک مؤثرات سیاسیه دن آزاده بولنه لری هر حالده ژورینک موجودیتنه متوقفدر. فقط مع التأسف بزده بواسولک مکملیتی یالکیز نظریاتده تقدیر ایدیلرک فعلیاتده دائماً معکوس جریاننک تأثیرینه تابع طوتولش. جرائم سیاسیه ایله جرائم عدلیه آره سنده کی فرقک تقدیری شمدی یالکیز مکتبلره مخصوصدر. افعال جنائیله دائماً مختلطدر. حاکم مختلط بر جنایتده فکر سیاسینک دخی مندیج اولدیغنی نظر دفته آلمایه رق اکثریا متهمی جنایت عادیه مرکبی کی محکوم ایلر. ایشته بونقطه نظرندن دوشونونه جک اولورسه ق مدنی و مترقی مملکتلرده ژوری اصولنک لغوی جنایت کی تلقی ایده جکیز» مع هذا ژورینک حسن نیت و شعار وجدانیله دائره سنده ایفای وظیفه ایده بیلمسی خصوصنده قانون لاحقده بعض تعدیلاتک اجرایی لابدر.

۱۸۰۸ ده نشر ایدیلن اصول محاکمه جزائیه قانونی ژوری نی جزایایله اشتغالدن منع ایشدرد. بواسول قابل اعتراض اوله یغنی کی، عین زمانده منطقی در. ۱۸۳۲ سنه سی نینسانک ۲۸ نجی کونی تعدیلاً نشر ایدیلن اصول محاکمه جزائیه قانونی بواسولی بر آز تعدیل ایدوب ژوری به اسباب مخفضه نیک تعیین و تقدیری حقنده صلاحیت بخش ایتک صورتیله اوکا جزایایله اشتغال حقینه ویرمش اولدی زیرا اسباب مخفضه خصوصنک تعیینی ایچون هر حالده جزای بیلیمک اقتضا ایدر. ایشته ذوالوجهین اصولی او تاریخده قبول ایدیش اولوب سکسان سنه دنبری بزده مرعی الاجرادد. فی الحقیقه ۱۸۰۸ سنه قانونی موجبجه ژوری انفاذ جزا حقنی حائز دکل ایکن ۸۲۲ سنه قانونی اوکا بو حق بخرن ایشدرد. حقیقته ژوری جزای رسماً بیلیمه یوب تقریباً یعنی فنا بر صورتده بیلیر. بناءً علیه شمدی بو ایکی قانونی بر برینه مزج ایتک صورتیله معین بر اصول وضع ایتلی. شمدیکی اصول عدائی عادتاً بازارلغه قویمقدن عبارتدر که حقوق عمومیه بوندن دائماً متضرر اولیور. لکن بونک حقیقی وجدی بر صورتده تعدیلی پک اوزون بر زمانه متوقفدر. اجداد منر غریب بر حالت روحیه به تبعاً تعیین مجرمیت ایله تعیین جزا قضیه لری بر بوندن تفریق ایشدرد. فقط عقل و منطق اقتضاسنجه بونلرک غیر مفارک اولمسی اقتضا ایدیور، حاکم یالکیز مجرمیتی تعیین ایتیه یوب جزای دخی تعیین ایدر. بکا قالسه جزا و مجرمیتک تعیینی ایچون ژوری ایله برویا بر قاچ حاکمدن مرکب بر هیئت مختلطه اجرای مذاکره ایدرک اوکا کوره بر قرار اتخاذ ایتلی.

شمدیکی اصول پک مضردر. ژوری هیئتی محکمه رئیس طرفندن ویریلن تفصیلاتی لایقی وجهله فهم ایدوب اوکا کوره، وجدان دائره سنده بر رأی و بره جک یرده اکثریا علی العیاء، صرف کندی نقطه

نظریی ترویج ایدرک ویا شخصیاته قایلله رق حقسنز برقراره حکامک وظیفه سنی ده اشکال ایدر. بعضاده ژوری هیئتی عادل، خلوق وجدانی ذواتدن تشکل ایدر ایسه ده تقدیر وظیفه دن عاجز اعضانک موجودیتی حقسنز برقرار ویریلسنی موجب اولوو. بزده بوحال کثیر الوقوعدر. جانی محکوم ایده بیلیمک ایچون جزانک نوع و جنس ایله صورت تطبیق حقنده معلومات صریحه ایدنک اقتضا ایدر.

هانری برژونک مطالعه سی

ارباب حقوقدن موسیو «هانری برژون» مطالعه آتییه سرد ایشدرد. هیئت عدول اکثریا جانیلره قارشو پک مسامحه کارانه معامله ایدیور. هیئت مذکوره سرقت و یا بشقه بر قصده مقرون اولیان جنایات حقنده قطعی برقرار ویرده میوب، نهایت «عشق و محبت، احتراصات ویا منافرت شخصی» نتیجه سی اولدیغه قرار ویرر. بعض ژوری دخی، غریب برحالت روحیه نتیجه سی اوله رق عشق و احتراصک مؤدی اولدیغنی جنایات حقنده اسباب مخفضه آرامق ایستر. عجباً بونک سببی ندر؟ بکا قالسه بن بو حالی طوغریدن طوغری به غنغنه به حمل ایدرم. طشره لی ژوریلر ده اجدی ودها مدقیقانه تحقیقات اجرا ایدرک اسباب جنایتی عریض و عمیق تدقیقندن صکره نهایت معقول ویاغیر معقول برقرار ویررلر.

حالبوکه پارس ژوریلری ایقاع ایدیلن بتون جنایاتی هان عشق و احتراص نتیجه سی کی تلقی ایدرک بلاقید و شرط بو تلقیرینه معطوف برقرار دیرمک ایستدرلر که اکثریا حقوق عمومیه بوندن صوک درجه متأثر اولور. فرانسه ده ایقاع ایدیلن جنایاتک قسم اعظمی اقلیم و تأثیرات محیطیه نتیجه سی اولدیغنی بالتجربه ثابت ایکن بزهیات عدوله بو حقیقتی بر درلو افهام ایده میورز. اونلر اثنای تحقیقاتده حل مشکل بر نقطه به تصادف ایتدکاری زمان هان بلاقید و شرط «نتیجه احتراص» دیه قرار ویررلر. سنه لردنبری اجرا ایتدیکم تدقیقات و تبعات نتیجه سنده ژوریلرک حالت روحیه سی حقنده برچوق حقائق میدان چیقارشم. اکثریا ژوری عین جنایت حقنده عین قراری ویرمکه میال کی کورونیور. حالبوکه مقصد ایله اسبابک یکدیگرندن تفریقی مقتضی در. ژوری دیورکه: عین جنایت حقنده بوندن اول بوالونده برائت قراری ویریش ایکن بز شمدی نه حقله محکومیت قراری ویرم؟ ژورینک بو ذهنیتی غریب دگی؟ • برحالت روحیه که. قوه اجتماعیه، قانون و عدالته مدهش برضربه اولدیغنی شبهه سزدر. پارسده، بوندن آلتی آی اقدم هیئت عدول زوجنی قتل ایدن بر قادینک برانته قرار ویردی. اوندن بری قاتل زوج اولان بتون قادینلرک برانته قرار ویریلور. بو مسامحه شایان استهزا دگی؟ • زوالی ژوری، عدم صداقت طولایسیله قتل زوج فعلی قادین ایچون برحق قانونی وحق اجتماعی کی تلقی ایدیور.

محکمہ تمیز حقوق دائرہ سی مقرراتی — (۶) محدثات برکونا سبب شرعی یہ مستند
۲ تشرین ثانی ۳۲۹ ۵۵۴۵
اولادینی حالہ قلع اولنور

» » (۷) مدافعات و نتیجہ حکم آردسندہ مبلغه
۱۹ » » ۵۵۴۶
مخالفت بولنسی

» » (۸) مدت اجارہ دن غیری برزمانده مستأجرک
۴ کانون اول ۳۲۹ ۵۵۴۸
ثابت اولان حقنی دیگر زمانده اتیفا
ایتمکه صلاحیتی یوقدر

» » (۹) استقلال واشترک ادعالرنده بینہ طلی
۱۸ » » ۵۵۴۹

محکمہ تمیز جزا دائرہ سی مقرراتی — (۱) مشترکا ایقاع جرم
۱۱ کانون ثانی ۳۲۹ ۵۵۵۰

» » (۲) تحفیف جزائی موجب اولان اسباب
۱۳ » » ۵۵۵۲
تقدیریه نك وصف جرمه تعلقی یوقدر

» » (۳) قتلك سوء تدای نتیجہ سیله حامل اولدیفته
۱۸ » » ۵۵۵۳
کوره حکم

» » (۴) ذات الزوج اولان بر قادینی قاجیرمق
۳ شباط ۳۲۹ ۵۵۵۴

محکمہ تمیز اسناد عا دائرہ سی مقرراتی — (۱) فروخت اولنان خانه نك اجرای فراغندن
۶ تشرین اول ۳۲۹ ۵۵۵۵
امتناع

» » (۲) محکمہ استینافیه جه حکم ابتدائیک فسخیه
۱۳ » » ۵۵۵۷
شهودك جلب واستماعنه قرار ویرلدیکی
حالہ شهودك جلب ایلامسی حقنده

» » (۳) محاکم جزایشه جه نتیجہ محاکمده اول بایل
۱۵ » » ۵۵۵۸
اسباب شوتیه بالتدقیق ا کا کوره حکم
ویرلک لزومی

» » (۴) اورمان نظامنامه سنك اوتوزنجی ماده سی
۸ کانون اول ۳۲۹ ۵۵۶۰

» » (۵) حقوق عمومیه شهودندن برقسمنك احساس
۲۳ » » ۵۵۶۲
رأی قضی ایدر صورتده جنبندن صرف نظر
اولنسی (۱) —

شورای دولت مضبوطاری — (۱) شورای دولت اختلاف مراجع مضبوطه سی
۳۰ کانون ثانی ۳۲۹ ۵۵۶۳

محکمہ تمیز حقوق دائرہ سی مقرراتی — نتیجہ تمیز اولاده دعاوی اعمرومانك لیسه سی
۵۵۶۴

» » (۲) —

قسم غیر رسمی (۱) —

مقالات (۲) —

محکمہ تمیز و رئیس اولی علی حیدر (۳) —

افندی حضر تارینك (۵) —

بدیک افندیك ۵۵۶۸

زوری حقنده